



ყოველკვირეული საზოგადოებრივი, სამეცნიერო და სალიტ. გაზეთი
 № 22 19 ოქტომბერი 1908 წ. ფასი 10 კ.



შინაარსი: მეთაური.—სხვა და სხვა ამბები—ჩვენში.—რუსეთში.—სპარსეთი.—მცირე პასუხი «ეკალს», ლელისა.—ნეტავი ჩას (ლექი), ქუჩიშვილისა.—ჟუშა-ფილოსოფოსი, მან-წილისა.—დისციპლინის პორიადკა, ავტორისა.—სათარხანი, Artemius-ისა.—ღიად მზის სხივებს, ბაბ. ი.—სა.—თეატრი: პარნასისა.—ქუთაისის თეატრი, სერ. ჟორჟ.—ისა.—პროვინცია.—კოპერატული საზოგადოებები და პროფესიონალური კავშირები, ს. თაფართქილაძისა.—ქუთაისის ქრონიკა.—დედა, როვორც აღმზრდელი, ჰენრიხ შულცისა.—განცხადებანი.

რედაქციის აზარი:

ვწუხვართ, რომ Artemius-ის „ეკალის“ საპასუხო წერილში („ჩვენი კვ.“ № 21) პირველი ორი სტრიქონი დაუკვირვებლობის გამო ამოუშლელი დავგრა, თუმცა ჩვენ ის არ გვიგულისხმია ამ სტრიქონებში, როგორც ზოგიერთ მკითხველს გაუგია.

„ჩვენი კვალი“-ს 23 ნომერში დაიბეჭდებოდა. ლმპ
 მთარგმნელის ახალი ნაწარმოები

„ენათობთა ჩივილი“

24 ნომრიდან კი დაიწყება ბეჭდვა ცნობილ ავტორის
 ლეონიდ ანდრეევის პიესისა

„მეფე შიშველი“

თარგმანი ქ.-ნი განდგეილისა.

ქ. ნ. ნ. ნ.

Audi alteram partem
(მეორე მხარესაც მოუსმინეთ!)

„პატიოსან მებრძოლთა შორის
მოციქული ნამუსია!“

„დღეს მუშათი პარტიის ციხე-სიმაგრეს ყოველ მხრიდან მტერი ესხმება“ („ეკალი“) და აბა რაღა საკვირველია, თუ გაზ. „ეკალი“ მედგარი იერიში მოიტანა... „ჩვენი კვალის“ წინააღმდეგ. გაზ. „ეკალს“ ეს იერიშები ეტყობა, ამ ხელათ მაინც, გათავებული უნდა ჰქონდეს, მაშ სიტყვა ეხლა ჩვენ გვეკუთვნის.

„ეკალი“ ბოლო დროს გარკვევით აღნიშნა ბრძოლის საგანი: ეს იყო, ვითომ „ჩვენ კვალში“ დაბუდებული ნაციონალიზმ-შოვინიზმ-იმპერიალიზმ-პანქართველიზმი. ამას „ეკალის“ ფალევენი თავის უკანასკნელ ფელეტონშიაც ხაზს უსვამს: „აშკარაა, —სწერს იგი—რომ პანქართველისტური მიმდინარეობა კი არსებობს და არსებობს სახელდობრ „ჩვენ კვალში“ („ეკ.“ № 32). როდესაც ჩვენ ამის საბუთები მოვთხოვეთ, მან მოიყვანა ზოგიერთ ჩვენ წერილიდან ზოგიერთი „ფრაზა“, ხოლო როცა ამ „ფრაზებზე“ და „დებულებებზე“, ისე როგორც ჩვენ წერილების მთელ შინაარსსა და დედა აზრებზე მას თავი წაუგაღეთ, მან იკადრა და განაცხადა: „ჩვენ ხომ იმაში არ შეგვაქვს იქვი, რომ კვალელ პუბლიცისტმა წყალივით არ იცის მარქსისტული ფრაზები და აზრები“; რომ იგი (კვალის პუბლიცისტი), თავის წერილებში არ ქადაგობდეს მარქსისტულ აზრებს. მაგრამ „ეკალის“ ფალევენი „სიტყვას“ როდი ჯერდება, იგი ჩვენ „საქმეს“ უშინჯავს კბილს (თითქოს მარქსისტულ აზრების ქადაგება კი თავის-თავადაც არ შეადგენდეს საქმეს!). რაკი ფალევეანს საქციელი წაუხდა, იგი ამოეფარა „სადამოყენო კედლებს“; ჩვენ ეს საფარიც მას ხელიდან გამოვაცალეთ. მაგრამ ჩვენი მოპირდაპირე დიდი „მარიფათის“ პატრონია და აბა იარაღს როგორ დაჰყრიდა. მას ეხლა ყველა თავის „სამხედრო“ ძალები მოუქუჩებია... „არტემიუსის“ ღია ბარათთან და ეს უკანასკნელი გაუხდია საოპერაციო ბაზათ.

„ეკალის“ მეფელეტონეს ჩვენს „გასანადგურებელ“ არგუმენტათ მოჰყავს აღნიშნულ ბარათიდან ის ადგილი, სადაც ავტორი ითხოვს „დახმარება აღმოგუჩინოთ იქაურ ჩვენ მოძმეებს (ე. ი. ოსმალეთის ქართველებს), რათა დგინი დამარცხებული არ დარჩენ ახალ ასპარეზზე ბრძოლაში და მსხვერპლნი არ გახდნ „ახალგაზრდა ოსმალთა“ თავაშვებულ ნაციონალიზმისა. და ამაზე „ეკალი“ გვეკითხება: „აბა ახლა გვიბრძანეთ, აქ ან-ბანის სწავლებას ლაპარაკი, თუ პოლიტიკურ ბრძოლაზე“?

თავისთავად ცხადია, რომ ნაციონალიზმის წინააღმდეგ გამკლავება, თუნდაც ეს არა სცილდებოდეს იდეიურ სფერას, უეჭველათ იგულისხმებს პოლიტიკურ კამპანიას. მთელი საკითხი მხოლოდ იმაშია, თუ რა ხასიათის იქნება ეს ბრძოლა. ჩვენ ვიცით, რომ დედამიწის ზურგზე

არ იბოვება ისეთი სოციალდემოკრატია, რომელსაც საჭიროთ არ მიიჩნდეს ბრძოლა ნაციონალურ მხავრელობის წინააღმდეგ. მაშასადამე, დაჩაგრულ ნაციონალთის ბრძოლას, თავის და თავად თითონ „ეკალიც“ ვერ ჩაგვითვლიდა მძიმე დანაშაულობათ. საქმე იმაზეა და მოკიდებული თუ რა ხასიათისა იქნება ეს ბრძოლა. ამის შესახებ „არტემიუსის“ ბარათში არაფერია ნათქვამი იმის მეტი, რომ აღნიშნულია იქაურ ქართველების (და არა გათათრებულ, გადაგვარებულ ქართველების) ნაციონალურ სიხის შერჩენის საჭიროება და ხაზგასმულია მისი საფრთხე „ახალგაზრდა ოსმალთა“ ნაციონალიზმის მხრივ. თუ „ეკალს“ აინტერესებდა სიმართლე, ცხადია, რომ იგი პოლიტიკურ პროგრამის შესახებ უნდა შეკითხებოდა ან „არტემიუსს“, ან ჩვენ რედაქციას, ან და ეხელმძღვანელნა ჩვენი შეხედულებებით და მიმართულებით *). „ეკალი“ უკუღმა მოიქცა: მან ჩვენი შეხედულება და მიმართულება ნაციონალურ საკითხის შესახებ დაასკვნა „არტემიუსის“ შემოხსენებულ სტრიქონებიდან, რაკი თითონ საჭიროებდა ახსნას.

შეიძლება „ეკალი“ ჩვენი „ნაციონალისტური სულისკვეთება“ იქიდან აჰოკითხა, რომ „არტემიუსი“ „ახალგაზრდა ოსმალებს“ აღერსანათ არ იხსენიებს, და ეს დღეს, „ოსმალეთ-სპარსეთის რევოლუციების დროს“? შეიძლება ამიტომ გვეამბედეს—სურვილს დავკსაქსოთ ამ რევოლუციის ძალები, დავარღვიოთ იქაურ ოპოზიციონურ, რევოლუციონურ ძალთა „ბლოკი“? მაგრამ როგორ მოხდა, რომ იგივე „ეკალი“ სხვა ადგილას ჩვენ გვისაყვედურებდა სწორედ წინააღმდეგს, ე. ი. ამგვარ „ბლოკების“ ტრფიალებას რევოლუციის დროს? ნუ თუ „ეკალს“ თავის დავთარში აღარ უწერია არავითარი ლოლიკა?

რაც შეეხება ჩვენს განწყობილებას „ახალგაზრდა ოსმალეთთან“, „ეკალს“, უნდა გავუმჟღავნოთ შემდეგი. რაც უნდა დიდათ ვაფასებდეთ ამ პარტიის მოქმედებას ოსმალეთის ძველი რეჟიმის წინააღმდეგ, ჩვენ მაინც არ შეგვიძლიან სასტიკათ არ დავგმოთ მათი ნაციონალური პოლიტიკა, რომლის ნამდვილი სულია სწორეთ „თავ აშვებული (ე. ი. უკიდურესი) ნაციონალიზმი“. ეს არ შეადგენს არავითარ საიდუმლოებას იმათთვის, ვისაც კი ოღნავ მაინც თვალი უდევნებია მათი მოქმედებისთვის წარსულში, თუ აწმყოში. აი მაგ. რას ვკითხულობთ „ახალგაზრდა ოსმალეთის“ თვით იმ პროგრამაში, რომელიც დაწერილია ოსმალეთის ყველა ოპოზიციონურ და რევოლუციონურ ძალების შესაკავშირებლათ:

„4. იმ ნაციებს, რომელნიც შეადგენენ ოტტომანის იმპერიას, არასოდეს არ მიეცეს არც სრული ავტონომია და არც აღმინისტრაციული ავტონომია“.

*) ჩვენ აქი იმდენს ვწერთ ნაციონალურ საკითხზე, რომ თვითონ „ეკალი“ ჩივის: „ჩვენი კვალი“ ყოველთვის და ყოველგან ნაძალადვით აწებებს ნაციონალურ კითხვას, რომ ამ გაზეთის ჯბუღი ყოველ კითხვას ნაციონალურ დარჯაქში ატარებს“ და სხ.

„6. იმ ელემენტებს, რომელნიც იმპერიაში ესწრაფიან სრულს ან მხოლოდ ადმინისტრაციულ ავტონომიას, ვაცხადებთ მტრებათ“.

„7. ოტტომანის იმპერიაში ჩვენ ვცნობთ მხოლოდ ერთ ხალხს, ერთად-ერთ ეროვნებას, ეს არის ოტტომანები“^{*)}. აი, ამ ნაციონალიზმში იფარება დიდი საფრთხე არა მარტო ოსმალეთის დაჩაგრულ ნაციებისათვის, არამედ აგრეთვე მთელ ოსმალეთის განახლების საქმისათვის. ამიტომაც საჭიროა - იქაურ დაჩაგრულ ნაციებში—და მაშასადამე ქართველებშიც—აქედანვე შეიგნონ ნაციონალურ თვითარსებობის დაცვის უაღრესობა, ნაციონალურ უფლებათა მთელი მნიშვნელობა, საჭიროა დღეიდანვე სწარმოებდეს იქ სათანადო პროპაგანდა. ხოლო რაც შეეხება სააგიტაციო ღონისძიებებს „სროლილობას“, პირდაპირ პოლიტიკურ მოქმედებას, თუ სახალხო გამოსვლებს, ეს, რა თქმა უნდა, ისეთი საკითხებია, რომლის გადასაწყვეტათ ჩვენ სრულებითაც არა გვაქვს კომპეტენცია. თუნდაც სავსებით და ზედმიწევნით ვიცნობდეთ ოსმალეთის შინაურ, ადგილობრივ პირობებს, ჩვენ მაინც თავს შევიკავებდით მკაფიო, გადაჭრილი და მტკიცე რამ გვეთქვა აღნიშნულ საკითხებზე, რადგან უკანასკნელთა გადაჭრა სავსებით ეკუთვნის ადგილობრივთა მოქმედ პარტიებს.

„ეკალის“ ფაღვეანი კი მოგვდგამია: „თქვენ მიბრძანდებით „თათარში“ (ბარაქალა ენაშხვილობისათვის!), თქვენ პოლიტიკურ კამპანიას ხსნიით და შესაფერ პაროლს **იდლევი**, თქვენ ქართველ მუშებს სტამბოლისაკენ მიუძღვებით“...

აშკარაა, ჩვენი მოკამათე სწერს ყველაფერს, რაც კი პირზე მოადგება, თორემ ის თუნდ ერთი წუთით რომ დაფიქრებულიყო, ადვილათ მიხვდებოდა თავის უაზრობას. მართლაც, ჩვენებურ ქართველ მუშებმა რომ ოსმალეთში შეიძლონ პოლიტიკურ კამპანიის წაყვანა—თუნდ ეს იყოს წმინდა ბურჟუაზიულ-ნაციონალური კამპანია—მათთვის, რასაკვირველია, აუცილებლათ საჭირო იქნება, სხვათა შორის, ოსმალური ენის შესწავლა და უფრო მეტათ საჭირო იქნება იქაურ სოციალ-ეკონომიურ და პოლიტიკურ ვითარების ზედმიწევნით გაცნობა, ყველა ეს კი შეუძველათ ითხოვს მრავალ წელიწადებს. ასე, რომ სანამ ისინი „კამპანიისთვის“ მოემზადებოდნენ, იქ დღევანდელი პოლიტიკური ბრძოლა უკვე გათავებულიც იქნებოდა. ცხადია, „ეკალი“ ისეთ რამესა გვწამებს, რასაც ეთქმის, ნაციონალისტობა და, „პანქართველისტობა კი არა, არამედ მხოლოდ გიჟური ფანტაზია. ჩვენ ქართველ მუშა ხალხს არამც თუ „პოლიტიკურ კამპანიისათვის“ არ ვერეყებით სტამბოლისაკენ, ჩვენ მათ იქითკენ ვერ გავისტუმრებდით ვერც ქართულ წერა-კითხვის გავრცელების საქმისთვის; ჩვენ ამ საქმეს მუშაობა პარტიას ვერ დავავალბდით ვერც თვით საქართველოს მიწა-წყალზე. ყველა ქუთათა მყო-

ფელმა სოციალდემოკრატმა კარგათ იცის, რომ წერა-კითხვის გავრცელება არ არის და არც შეიძლება იყოს პარტიული საქმე, ე. ი. ამას ვერ მოხმარდება პარტიის ვერც ბიუჯეტი და ვერც კაცები, და ეს იმიტომ კი არა, რომ ჩვენ დიდათ არ ვაფასებდეთ წერა-კითხვის საქმეს, არამედ მხოლოდ იმიტომ, რომ ამისათვის ჩვენ არა გვაქვს საკმაო ძალა და არც გვექნება თვით სოციალურ რევოლუციამდე.

მაშ, საიდან ამოიკითხა ფაღვეანმა ჩვენი „პახოტობის“ ამბავი? ის პირდაპირ გვითითებს „არტემიუსის“ წერილზე. მაგრამ ამ უკანასკნელს სათაურათ აწერია: „ღია წერილი ქართველ საზოგადოებას“ და შიგაც „ღია წერილი ქართველ საზოგადოებას“ ქართველების თეთრზე შავთ სწერია, რომ ოსმალეთის ქართველების აღნიშნული დახმარება „ყველაზე მეტათ უპრინციპო ქართველ შორის წერა-კითხვის გამავრცელებელ საზოგადოებისათვის“ და მერე როდის აქეთ არის, რომ მუშათა თვისა“. და მერე როდის აქეთ არის, რომ მუშათა პარტიათ გადაიქცა ქართველი საზოგადოება ანუ წ.-ქ. საზოგადოება, რომლის თავმჯდომარეა გენერალი ყაზბეგი?!. მართალია ფელეტონისტის ხელობა ოხუნჯობაა, მაგრამ არც ამ ზომის ოხუნჯობა ვარგა. „არტემიუსის“ ღია ბარათის ანი და ჰოე მკაფიოთ არის გამოთქმული მის დასასრულ, შემდეგ სტრიქონებში: „მე, რადგან ვიცი ქართული, სომხური, თათრული და რუსული ენები“), სურვილს ვუცხადებ იმ საზოგადოებას და აგრეთვე კერძო პირთ, შეძლებისა დაგვარათ დახმარება აღმოუჩინო გაზეთის გამოცემის საქმეში“. ეს არის და ეს.

ყველა ზემო ნათქვამიდან აშკარაა, რომ „ეკალის“ ფაღვეანი ებრძვის არა „ჩვენი ეკალის“ რაიმე მიმდინარეობას, არამედ თავის საკუთარ ფანტაზიისაგან შექმნილ ლანდებსა და მოჩვენებებს... ეს მეტათ საშიში ხუმრობაა! Cave ne cadas! (ფრთხილათ, უფსკრულისაკენ არ დაგორდეთ!).

* * *

ჩვენი გაჯიუტებული მოკამათე გაზ „ეკალიდან“ თვითონაც კარგათა გრძნობს, რომ „არტემიუსის“ ღია ბარათი ვერაფერი თამასუქია ჩვენს გასანადგურებლათ და ამიტომ იგი ყველა ჩვენს წერილებს ნარდათ იღებს და ერთბაშით აცხადებს, ვითომც „ჩვენი ეკალი“ „ყოველ დღე ყურში ჩიგვიჩინებდეს“, რომ „**დღეს** სულ ყველამ უნდა ვიზრუნოთ იმისთვის, რომ ოსმალეთ-სპარსეთის ქართველები ნაციონალ-კულტურულათ შემოვიერთოთ და შევიკავშიროთ“.

მოკამათე ამ სტრიქონებს ბრტყალებში სვამს და მით მკითხველს აფიქრებინებს, რომ ეს ადგილი „ჩვენი ეკალის“ რომელიმე წერილიდან ამოღებული ციტატაა. ნამდვილათ კი, ისეთი ადგილი არ იპოვება არც ჩვენს სარედაქციო წერილებში და არც რომელიმე ჩვენი თანამშრომლის ნაწერებში! ეს ჩვენი მოკამათის პიტალო სიყალბეა, რუსულათ „ბაღლოგია“.

*) „L'Indépendance Arabe“, 1908 № 11—12 p. 65

*) „არტემიუსმა“ ენებს ბარდა კარგათ იცის ოსმალეთის მთელი ადგილობრივი ვითარება, მას იქ ხანმოძლივით უცხოვრია.

ჩვენს წერილებში არამც თუ მოხსენებული ადგილი არ იპოვება, იქ პირდაპირ წინააღმდეგიც არის გამოთქმული. აი მაგ. „ჩვენი კვალის“ № 18-ში თეთრზე შავით დაწერილია: „ნაციის სხვა და სხვა სახელმწიფოში მყოფ ნაწილთა დასაახლოებლათ და შესაკავშირებლათ ყოველივე სურვილები და იდეური ქადაგება შორ მანძილს ვერ გაივლის და ფუჭათაც დარჩება, თუ აქ არ არსებობს სოციალ-ეკონომიურ ცხოვრების მზგავსება, დაახლოება“. იმავე წერილში ბლენინაველით, რომ საზოგადოებრივ წეს-წყობილების ასეთი მზგავსება კი გაჩნდება მხოლოდ მომავალში, როცა რუსეთსა, სპარსეთსა და ოსმალეთში დამკვიდრდება პოლიტიკური და მოქალაქობრივი თავისუფლებანი, რაიც ხელს შეუწყობს ამ ქვეყნებში კაპიტალიზმის განვითარებას. ეს უკანასკნელი კიდევ თავის მხრივ „გამოიწვევს იქ თვით (სპარსეთსა და ოსმალეთში) სოციალისტურ პარტიების შექმნასა და განვითარებას“... „ამ ნიადაგზე (მზგავს სოციალ-ეკონომიურ-პოლიტიკურ ვითარებაში) ჩნდება ძლიერი იდეური ურთიერთობა და ზეგავლენა, ნაციები ერთმანეთს უახლოვდებიან კულტურულათაც“. ნაციათა ასეთი დაახლოება, რომ კაპიტალისტურ საზოგადოებათა ბუნებრივი მიმართულებაა და არა ჩვენ მიერ გამოგონილი ოცნება, ამას ჰმოწმობს თვითონ კაუტსკი. მისი აზრით, უკვე დღეს განათლებული კაცობრიობა კულტურულათ მხოლოდ სამ დიდ ოჯახს წარმოადგენს: ესენია საქრისტიანო ქვეყანა (600 მილ. ადამიანი), ისლამის ქვეყანა (250 მილიონი) და ბუდისტურ-ბრამანული ქვეყანა (700 მილიონი). და თუ მართალია კულტურული დაახლოება და დაკავშირება იმ ხალხთა, ვისაც ერთმანეთისაგან ჰყოფს ენა, ეროვნება, თვალუწედნელი სივრცე, უსაზღვრო ოკეანები და ბუშბერაზი მთები; თუ ამათი კულტურული დაახლოება-დაკავშირება ნამდვილი მიმართულებაა თანამედროვე საზოგადოებათა ევოლიუციისა, მაშინ ათასჯერ უფრო მართალი ყოფილა ერთსა და იმავე ნაციის მგზობლათ მცხოვრებ ნაწილთა კულტურული დაახლოება-დაკავშირება. აი, ამიტომაც ვწერდით ჩვენ: „ნაციები ერთმანეთს უახლოვდებიან... ხოლო ერთ და იმავე ნაციის სხვა და სხვა ნაწილები (აღებულ შემთხვევაში ქართველობა), როგორც შიგნით, ისე გარეთ—სახელმწიფოთა საზღვრების გაღმა გამოდის—მკიდროთ უკავშირდებიან ერთმანეთს ნაციონალ-კულტურულათ“. (იხ. № 19) თუ „ეკალი“ ამაში ჰხედავს პანქართველობას, მაშინ ცხადია, „ჩვენი კვალი“ კი არა, თვითონ ისტორია ყოფილა „პანქართველისტური“.

ჩვენ ღრმად გვწამს ქართველობის ნაციონალ-კულტურული აღორძინება-განვითარება და საღამს ვაძლ. ვთ მის ბრწყინვალე მომავალს. მაგრამ ნაციონალ-კულტურულ აღორძინება-განვითარებას თავის საზრუნავ საქმეთ აცხადებენ შოვინისტ-ნაციონალისტები და თვით შავრაზმელებიც. რა განსხვავებაა ჩვენსა და მათ შორის? ის, რომ ისინი ნაციონალურ აღორძინება-განვითარება-

ში უეჭველათ იგულისხმებენ მუშათა პარტიის უკან დაწევას, სოც.-დემოკრატიის დაცემასა და განადგურებას; ჩვენ კი ნაციის მიერ ყოველ წინ გადადგმულ ნაბიჯს ვაფასებთ იმდენათ, რამდენათაც იგი მოასწავებს მუშათა საქმის წინ წაწევას, მის პარტიის გაძლიერებას და სხ. რაღას გვედავება გაზ. „ეკალი“? მას არ შეუძლიან გვაპატიოს „იმის მუდამ წინ წამოწრა და ხაზის გასმა, რომ „ქართველი ერის აღორძინება წან წასწევს მუშათა კლასს“. („ეკალი“ № 32) ცხადია, გაზეთი იმას გვაბრალებს, ვითომ ჩვენის აზრით ეროვნული აღორძინება თავის თავად იყოს მუშათა საქმის წინ წაწევა. ნამდვილათ კი „ეკალის“ მიერ ბრქვალბებში მოყვანილი სტრიქონები, მისი საკუთარი „თხზულებაა“. ნამდვილათ, აი რას ვწერდით ჩვენ: „ერის კულტურულათ გაღონიერება ნიშნავს უკეთესი პირობების შექმნას მუშა-ხალხის გონებრივ-ზნეობრივ ასამაღლებლათ და საერთოთ მუშათა საქმის წინ წასაწევათ“ (ჩვენ კვალი № 18). გიმნაზიაში ყოფნა საქირო არ არის იმის გასაგებათ, რომ საქმის წინ წასაწევათ „უკეთესი პირობების შექმნა“ კიდევ არ არის თვით „საქმის წინ წაწევა“. რაც უნდა საუკეთესო პირობები გქონდეთ, თუ თქვენ გულ ხელ დაკრფილი დარჩებით, შემწვარი ხობბები თავისით პირში არ ჩაგაცივიათ... გვეგონია, ნათელი აზრია!

მაშ ჩვენი სწორ-უპოვარი მოკამათე როგორ-ღა ახერხებს აზრის დაბნელებას? იგი ამაზე თვითონვე მიგვითითებს, იგი სწერს, რომ „ჩვენ კვალში“ „მუდამ წინ წამოწრილი—მთელი ქართველი ერის აღორძინება წინ წასწევს მუშათა კლასს“ და „იმავე დროს აც ერთი სიტყვა ამ კლასის დამოუკიდებელ მდგომარეობაზე და პოლიტიკაზეო“.

ამასა სწერს მოკამათე „ეკალში“ 9 ოქტომბრის თარიღით, ხოლო „ჩვენ კვალში“, სხვათა შორის, 5 ოქტომბრის თარიღით ვწერდით: „ცხადია, ჩვენთვის ნაცია არ ყოფილა ერთიანი მასსა; ცხადია, რომ იგი ჩვენთვისაც დაყოფილია სხვადასხვა ერთი მეორის მოწინააღმდეგე კლასებათ და რომ ნაციის ბრწყინვალე მომავლის გამომწედი და მუშათა კლასიურ იდეალის განმახორციელებელი გზა არ ს სწორეთ კლასთა ბრძოლის განვითარება“. გასულ სექტემბრის 28-ის №-შიც გარკვევით ვწერდით, რომ „ჩვენ საკმაო საკუთარი საქმე გვაქვს. ეს არის მუშა ხალხის კლასიური გათვითცნობიერება“. ჩვენმა მოკამათემ ძალიან კარგათ იცის, რომ ჩვენი წერილების აქ ხაზგასმულ სტრიქონებში სწორეთ მუშათა კლასის „დამოუკიდებელ მდგომარეობასა და პოლიტიკაზეა“ ლაპარაკი...

ყველა ამის შემდეგ რა სახელი უნდა ვუწოდოთ ჩვენს მოკამათეს?... დეე, თვითონ მკითხველმა მოუძებნოს მას საკადრისი სახელი, მან თითონ შეაჩვენოს ის, რაც საზარელია, მან თითონ გაართხოს სამარცხვინო ბოძზე ის, ვინც ამის ღირსია.

ჩვენი მოკამათენი გაზ. „ეკლიდან“ და „იმედლიდან“ ჩვენ წინააღმდეგ მიმართულ ყველა თავიანთ წერილებში ამტკიცებენ ჩვენ „ნაციონალისტ-შოვინისტ-პანქათველისტობას“, ამხელენ ჩვენს „მოღალატურ საქციელს“ და იმავე დროს კი მოგვმართავენ: „გეტყობათ, რომ რაღაც ამიზეზეებული ხართ, რაღაც გაწუხებთ, რაღაცას ყოყმანობთ; ნუ გეშინიანთ, გაბედეთ! „მაშ ქენი საჩქაროთ, რაც განიზრახე!“ ასე უთხრა ქრისტემ იუდას!... მაგრამ, თუ „იუდამ“ უკვე შეასრულა თავის განზრახვა, ჩაიდინა „მოღალატური საქციელი“, რაღა საქროა ეგ მიმართვა? და თუ განზრახვა ჯერ კიდევ არ შეუსრულებია „მოღალატური საქციელი“ არსად არის, რაღათ ამტკიცებთ „მოღალატური საქციელი“ ჩაიდინაო? ცხადია თვითონ მოკამათეებს არა სწამთ ის, რასაც თვითონვე სწერენ ჩვენს წინააღმდეგ... მაგრამ რა უნდა ელაპარაკოთ ისეთ მოკამათეთ, რომელნიც მოუზიდებლათ ფეხქვეშ სთელავენ ძვირფას ქეშმარიტებას: „პატიოსან მებრძოლთ შორის, მოციქული ნამუსია!“

P. S. გაზ. „ამირანის“ 183 №-ში დაბეჭდილია საინტერესო შენიშვნები ჩვენს შესახებ. ძალიან ვნანობთ, რომ გაზ. „ეკალ“-„იმედის“ იერიშების მოგერება დროსა და ადგილს აღარ გვიტოვებს—ანგარიში გაგვეწია სხვა პარტიის ჩვენი მოწინააღმდეგეებისთვისაც. თუ ბედმა მოგვხელდა—„იმედის“ „მემოარი“ გონს მოვიდნენ და პატივი დასდეს იმ პარტიის ბაირალს, რომლის მიმდევარნი თვითვე არიან, მაშინ ჩვენი ჟურნალის შემდეგ ნომერში „ამირანის“ შენიშვნებზე საფუძვლიანათ მოველაპარაკებით ჩვენს მკითხველებს.

სხვა-და-სხვა ამბები

ჩ ვ ე ნ ი

კვირას, 12 ოქტომბერს, სამეურნეო ბანკის სადგომში შესდგა ქ. შ. წ. კ. გამავრცელებელ საზოგადოების კრება. კრებას დაესწრო 80 ნამდვილი წევრი. კრებამ განიხილა ანგარიში, მოისმინა სარევიზიო კომისიის აზრი ანგარიშის შესახებ და მის დატკიცების შემდეგ, შეუდგა სხვა კითხვების გარჩევას. განიხილა კითხვა საზოგადოების სკოლებში პროგრამების შეუთანხმებლობის შესახებ. შეეხენ აგრეთვე ბათუმის სკოლას, რომელიც სპეციალურათ ქართველ მაჰმადიანებისთვის არის დანიშნული, ხოლო არც ერთი მაჰმადიანი არ მოიპოვება შიგ. ამ კითხვამ საკმაო კამათი გამოიწვია. უკანასკნელათ, კრებამ კითხვამ საკმაო კამათი გამოიწვია. უკანასკნელათ, კრებამ კითხვამ საკმაო კამათი გამოიწვია. უკანასკნელათ, კრებამ კითხვამ საკმაო კამათი გამოიწვია.

დიდი კამათი გამოიწვია ბ. ა. მამელაიშვილის განცხადებამ იმის შესახებ, რომ წ. კ. საზ. მაღაზიაში არ უნდა იყიდებოდეს ისეთი წიგნები, როგორიც არის „სილ. მოატყუა ხალხიო“. კრებამ უარყო ეს აზრი. საზოგადოების ბიბლიოთეკებისა და სამკითხველოების შესანახათ კრებამ გადასდო 3762 მ., საქმეების სა-

წარმოებლათ—3903 მ.. სკოლების შესანახათ—5,264 მანეთი.

კრებამ უცვლელათ მიიღო გამგეობის მიერ შედგენილი ინსტრუქცია განყოფილებათა მოწყობისათვის.

კრებამ, წინააღმდეგ რამდენიმე პირობა, გადასწყვიტა მუზეუმისა და ბიბლიოთეკის წ. კ. საზოგადოებასთან დატოვება.

დასასრულ, კრებამ მიიღო ორასამდე ახალი წევრი.

◆ ოდესის სამოსამართლო პალატამ დაასრულა „გურიის რესპუბლიკის“ საქმის გარჩევა. ბენია ჩხიკვიშვილს მიუსაჯეს კატორგა 4 წლით, ერქომაიშვილს—ნ წლით, რეას—სამუდამო გადასახლება და ორიც გაამართლეს. ბრალდებულნი საქმეს ასაჩივრებენ.

◆ აკაკის საიუბილეო კომიტეტის სარედაქციო კომისიამ წერილობით მიმართა ქართველ მწერლებს, არტისტებს და მოღვაწეებს და სთხოვა „აკაკის იუბილეის სახსოვარი კრებულისათვის“ მოაწოდონ მოგონება, მოთხრობა, ამბავი, ლექსები და სხ. მათი შეხედულება აკაკის პოეზიის შესახებ, ან რაიმე ნახატი.

◆ ნოემბრის პირველ რიცხვებში გრ. რობაქიძე წაიკითხავს თბილისში ქართულ ლექციას აკაკის შესახებ.

◆ თბილისში შესდგა ქალთა წრე, რომელსაც მიზნათ აქვს აკაკის იუბილეის გადახდაში განსაკუთრებული მონაწილეობა მიიღოს. წრემ უკვე გამოსცა შესაფერი მოწოდება პროვინციელ მანდილოსნებისადმი.

◆ 11 ოქტომბერს, შუადღის პირველ საათზე, ალექსანდრეს ბაღში დააპატიმრეს 15 საექვო კაცი და ერთი ქალი. გაჩხრეკის დროს ორ მათგანს: თეოდ. მეგრელიძეს და ალ. ღლონტს, აღმოაჩნდათ სასროლათ გამზადებული „ბრაუნინგები“. პოლიციის აზრით დაპატიმრებულებს უნდოდათ გაეძარცვათ რომელიმე „არტელშიკი“, როცა ეს უკანასკნელი იქვე ხაზინიდან ფულს გამოიტანდა.

◆ თფ. სახალხო უნივერსიტეტის გამგეობამ, პოლიტმეისტერისაგან მიიღო მოწერილობა, რომ გენერალ-გუბერნატორის განკარგულებით ადგილობრივ ენებზე ლექციების კითხვა აკრძალულია.

◆ ილია ჭავჭავაძის მოკვლის შესახებ წინასწარი გამოძიება დასრულდა. საქმე ამჟამათ საოლქო სასამართლოს პროკურორობის იმყოფება, რომელიც, საბრალდებლო ოქმის შედგენისას, გადაეცემა სასამართლოს. პასუხის გებაში მიცემულია ხუთი კაცი.

◆ დღეს, 19 ოქტომბერს, თფილისის საკრებულოს დარბაზში, ენევის უნივერსიტეტის საუდენტი ქალი მ. ე. ორჯონიკიძე-ტაროშვილისა წაიკითხავს რუსულათ ლექციას შემდეგ თემაზე: პროსტიტუცია თანამედროვე მეცნიერების თვალსაზრისით.

რ უ ს ე თ მ ი.

სიკვდილით დასჯა გადაუწყვიტეს: ოდესაში—2,

ხერსონში—2, კრემენჩუგში—3, კიევი—18, ვარშავაში—1, ელისავეტგრადში—6, ტულაში—2.

◆ სიკვდილით დასაჯეს: ვარშავაში—1. ტურინსკში—5, კიევი—4. სარიტოვში—2, რეველში—1. („რეჩი“ №№ 337—242).

◆ უმაღლესის ბრძანებით 18 ოქტომბრიდან დაიხურა ფინლიანდიის მორიგი სეიმი. ბრძანების სისრულეში მოყვანა მიენდო ფინლიანდიის გენ-გუბერნატორს.

◆ გაზ. „რეჩი“ ის სიტყვით, მოსალოდნელია სამხედრო სამინისტროში რეფორმები მოხდეს. ცვლილება მოხდება აგრეთვე სახელმწიფოს დაცვის საბჭოში. ამ უკანასკნელის თავმჯდომარეთ იქნება თვით ხელმწიფე იმპერატორი.

◆ ფინანსთა მინისტრის განკარგულებით გამოიცა სახელმწიფო ხაზინის ახალი, 4 პროცენტის ბილეთი 25 მანეთიანის ხარისხისა, ნახევარ წლის კუპონებით.

◆ როგორც ხმები, გარეშე საქმეთა მინისტრი იზოლსკი სახ. დუმის ერთ-ერთ სხდომაზე წაიკითხავს მოხსენებას ბალკანეთის საქმეების გამო რუსეთის დიპლომატიის მოქმედების შესახებ.

◆ 17 ნოემბერს ნოვოროსიისკში დაიწყო „ნოვოროსიის რესპუბლიკის“ საქმის გარჩევა. სამართალში მიცემულია 106 კაცი. მათ შორის ყოფილი ქალაქის თავი, ვეკილები, ინჟენერები, კომერსანტები და სხ.

უმაღლესი სასწავლებლებში. 9 ოქტომბერს პეტერბურგის უნივერსიტეტში ლექციებს მხოლოდ რამდენიმე პროფესორი კითხულობდა. საფიზიკო ინსტიტუტის აუდიტორიებში შედგა სამი ლექცია. თითოეულს დაესწრო 10—25 მსმენელი.

9 ოქტომბერს არ შემდგარა არავითარი მეცადინეობა: პოლიტექნიკუმის, ტექნოლოგიურის, სამთამანდო, სატყეო და ქალთა მედიცინურ ინსტიტუტებში, ქალთა უმაღლესი კურსებზე, საფერშლო სასწავლებელში, ქალთა უმაღლესი საბუნებისმეტყველო-სამეცნიერო და სახე-დაგოგო კურსებზე.

◆ მოსკოვის, კონსტანტინოვის საზოგადოების გამმჯვენელ ინსტიტუტის დირექტორს გამოეცადა პოლიციის ბოქაული და მოსთხოვა სია სტუდენტთა სახელ-გვარებისა. 9 ოქტომბერს პოლიცია უშვებდა სტუდენტებს დირექტორის მიერ მიცემულ სახელ-გვარების შემოწმების შემდეგ.

9 ოქტომბერს ოდესის უნივერსიტეტში გავრცელდა პროკლამაციები, რომელშიაც აცხადებდნენ, რომ გაფიცვა გრძელდება. პროკლამაციებში სხვა მოთხოვნებთა შორის წამოყენებულია: — დააბრუნონ უნივერსიტეტში ადმინისტრაციის მიერ გაძევებული რექტორი ზანჩოვსკი და რამდენიმე პროფესორი. ლექციებს ესწრებოდა 5—40 მსმენელი.

ლამ-ლამობით აპატირებენ მრავალ სტუდენტებს.

ს ა ზ რ ე თ ი.

როგორც ვიცით, თავრიზი უკვე რევოლუციონერების ხელშია. ალყა, რომელიც შემორტყმული ქონდა თავრიზს,

მოხსნილია და თვით ეინუდ დოუღემ ძლივს დააღწია თავი თავრიზელებს. მისი ჯარის ერთი ნაწილი, რომელიც თავრიზში დარჩა, სათარხანს მიეზღო და მის რაზმში ჩაყწერა. ამნაირათ, პირველი საზედისწერო ომი რევოლუციის სასარგებლოთ გათავდა; მაგრამ, რას უქადის მომავალი სპარსეთის თავისუფლებას, რას აპირებს შაჰი? ის სრულებით არ ფიქრობს იარაღი დაყაროს და ბედს შეუირიდეს. პირიქით, მას გადაწყვეტილი აქვს ხელ ახლა გაილაშქროს თავრიზის წინააღმდეგ. მაგრამ სად არის ჯარი, სად არის ფული? როგორც თეირანი, ისე მრავალი პროვინციები, შაჰის წინააღმდეგ აშკარათ მიდიან და ნებას არ აძლევენ მას თავრიზის წინააღმდეგ წავიდეს. მაგ., ხინჯანის ოლქის მცხოვრებლებმა, რომელიც თავრიზის გზაზე მდებარეობს, როცა გაიგეს, რომ თავრიზში რუსის აფიცრების მეთაურობით რაზმი მიდისო, გადასწყვიტეს დაიჭირონ უღელტეხილი „კაპა-ლაღანკა“ და რაზმი უბრძოლველათ არ გაუშვან. თუ რა მდგომარეობაშია შაჰის ხაზინა, ეს კარგა ხანია ვიცით. ამავე დროს, სათარხანი საოცრათ ამაგრებს თავრიზს და, გაზეთების სიტყვით, თეირანისკენ გალაშქრებასაც ეპირება.

დიახ, თუმცა შაჰი აშკარათ გრძნობს, რომ დღეს თავისუფლებასთან ბრძოლაში ის სრულებით უძლურია მაგრამ... ტყუილათ კი არ გაუმართა მან ლიახოვს საუზმე, იმ რუსის აფიცრების პატივსაცემლათ, რომლებიც თავრიზის დასასჯელათ იგზავნებიან?! და ეს საუზმე პოლიტიკური საუზმეა...

რუსეთის მოქმედებამ უკვე ალაპარაკა ინგლისი, რადგან მან მის (რუსეთის) მოქმედებაში ცნობილი ნოტის დარღვევა დაინახა. ამავე დროს, ოსმალეთის თეირანელმა ელჩმა დეპეშა აფრინა სტამბოლში, რომ თუ რაზმი, რომელსაც რუსის აფიცრები მეთაურობენ, დამარცხდა, ამას ხელზე დაიხვევს რუსეთი და ადერბეიჯანში ჯარს შემოიყვანსო. ამიტომ, აფრთხილებს ოსმალეთს ელჩი, საჭიროა მზათ იყოთ ყოველ შემთხვევისათვისო.

ასეთ მდგომარეობაშია დღეს სპარსეთი. რეაქციონერთა თავგასულობას ხომ საზღვარი არა აქვს, ისინი გადაიქცნენ პროფესიონალ ყაზალებათ. მაგ., თავრიზში სამარცხვინოთ დამარცხებული სუჯაი-ნიზამი ეხლა ქალაქ მარანდს შეფარებია და იქაურობას იკლბს. ეს ქალაქი ჯუღფისა და თავრიზს შუა მდებარეობს და სუჯაი-ნიზამსაც საშუალება ეძლევა აუარებელი მგზავრიც ძარცვოს და თავრიზში წასასვლელი გზაც დაიჭიროს.

მცირე პასუხი „მკალს“ *)

ვიმაგრებ, ვიმაგრებ თავს, რომ არ ჩავერიო „ჩვე-ნებურ“ გათახსირებულ პოლემიკის ფერხულში, მაგრამ

*) ეს წერილი ეკუთვნის „მკალის“ და „იმედის“ ბანაკში კარგათ ცნობილ ინტელიგენტ მუშას.

ალბათ აღარ მეყო მოთმინება და ერთი-ორი სიტყვა მეც უნდა წამომცდეს.

რომ დარწმუნებული ვყოფილიყავი ჩემი გულ-წრფელი სიტყვების სარგებლიანობაში, მაშინ ერთი-ორის მაგიერ ათასსაც ვიტყოდი, მაგრამ არ ვარ დარწმუნებული ამაში და თუ ვწერ ეხლა რამეს, მხოლოდ იმიტომ, რომ ველარ მოვითმინე.

ნეტავი თუ სხვებიც არიან ჩემნაირ მდგომარებაში!

„ეკალმა“ დასუსხა გულის ის ნაწილი, სადაც ინახება ზნეობრივი სიფაქიზე, ქეშმარიტება და გულწრფელობა.

მეც იმას უნდა გამოვებასუხო ეხლა და ვაუწყო, რომ „ეკალი“ სარგებლობს თავის გავლენით, უფრო კი ბოროტმოქმედობს თავის გავლენით და აწვდის „ჩვენ კვალს“ დემაგოგიისა, გინებისა და დაცინვის ახალ-ახალ ნობათებს.

„ეკალს“ შერცხვა პირდაპირ ელიარებინა „ჩ. კ.“-ის ბოიკოტი და ურჩია მხოლოდ თავის და „ჩვენი კვალის“ მკითხველებსაც, რომ „ჩ. კ.“-ის კითხვა საჭირო არ არის; თუ მაინცა და მაინც ვერ მოითმენთ, მაშინ ძველი „ივერია“ იკითხეთო.

არ გასჭრა ასეთმა პასიურმა ბოიკოტმა და ეხლა „ეკალმა“ დემაგოგიას მიჰყო ხელი:

უნდა „ჩვენ კვალს“ თავზე მოახვიოს ბურჟუაზიულობა, შოვინისტობა, მუშათა ხალხის მოღალატეობა და ეს ხომ ნებაყოფლობითი ბოიკოტის საუკეთესო საშუალებაა გულ-უბრყვილო მკითხველისთვის!

„ეკალს“ არ შეუძლიან ძველი აზრების მქადაგებელ¹⁾ „ჩვენ კვალს“ თავისი ახალი საბუთებით გასცეს პასუხი და ამიტომ მიმართა ასეთ უკადრის, უზნეო საქციელს.

იქნება მიგვითითოთ ანის „ქართველი ხალხი და ნაციონალიზმზე“ და ა. ჩხენკელის წერილებზე.

ჩვენ გეტყვით: ა. ჩხენკელის წერილები სრულიად არ ამართლებენ თქვენ პოზიციას ნაციონალურ კითხვაში. პირიქით. და რაც შეეხება ანის წერილებს, სტკივით, რომ მათი აზრი ახალია, თქვენია—და მაშინ ალბათ ჩვენც გაგცემთ ღირსეულ პასუხს.

„ეკალს“ დემაგოგია და მისაგან „ჩ. კ.“-ის დამცირება დაავიროგინა მისმა მეფელეტონემ გ-მ.¹⁾

და რადგან გ. და „ეკალი“ სინონიმები არიან, ამიტომ გ-ს მაგიერ ვხმარებ „ეკალს“.

მე აქ არ ვეხები კითხვის არსებით მხარეს, რადგან პოლემიკა რომ შესაფერ კალაპოტში იყოს ჩაყენებული, მაშინ იმაზე ბევრი დაიწერებოდა და ითქმოდა, მაგრამ მე ვეხები მხოლოდ ეხლანდელ პოლემიკის აუტანელ ფორმას.

¹⁾ ჩ.კ.-ის მიმართულება ეს ახალი მიმდინარეობაა ჩვენ ს-დაში, დიად!

¹⁾ ნეტავი როდის ვეღირსებით, რომ ჩვენ პუბლიცისტებში ძირიან-ფესვიანათ აღმოიფხვრეს დემაგოგიისა და ლანძღვა-გინების ნიკი!

„ეკალს“ არ უნდა თავისთავის გარდა სხვა მიმდინარეობის მოქალაქეობრივი უფლებაც იცნოს, მუშათა საქმეში ის თავის-თავს აღიარებს ერთად-ერთ მონაპოლისტათ, სხვები კი სულ ყალბები, მატყუარები და მაცდურები არიან.

„ეკალმა“ რითაც კი შესძლო, დაამცირა და გაათხსირა „ჩვენი კვალისა“ და მის მიმდევრების მნიშვნელობა.

ვ. დ-ლს, ამ თავიანთ მახლობელ ამხანაგს, მთელი ორი წლის განმავლობაში მათივე ორგანოების მეთაურს, მეცნიერების ხარისხით დაჯილდოებულ კაცს, მარქსიზმის ცოდნაში ვირებს ადარებენ, და ისიც უბოდიშოთ.

სამაგიეროთ, რითაც კი შესძლო, გაზარდა და გაზვიადა თავის მნიშვნელობა და ძაღლი.

მას ეთოჟმდა აინუნშიც არ ზოდის „ჩვენი კვალის“ არსებობა: იგი ეთოჟმდა არც კი ფიქრობს მადლიანი ბრძოლა გაუწიოს მას.

ის იძახის, ბელურებს ზარბაზნებს არ ესერიანო. მაშ რაღა არის, ბატონებო, ეს თავგანწირული, ყოველ გვარ მიმზიდველობას მოკლებული კამათი?

მართლა ზარბაზნებით ხომ არ გინდათ იბრძილოთ? მაგას „ჩ. კ.“-ი სრულიადაც არ ელოდება. იცით რას მოგაგონებთ, ამხანაგო ეკლელეზო, როცა ველარ ისვენებთ „ჩვენ კვალის“ ყოველი ნომრის გამოსვლაზე... მაგრამ დარჩეს. ტყულათ არ გინდათ გაიტეხოთ ეხტი-ბარი!

„ეკალს“ ალბათ ისეთი მოპირდაპირე ექირვება, როგორიც იყო „მუშა“, რომ თავისი ლანძღვა-გინების გადაჭარბებით ხმა აღარ ამოაღებინოს.

ნუ თუ თქვენ გეინტერესებათ თქვენი მოპირდაპირეებიც იმავე გარემოებაში ჩააყენოთ, როგორშიაც თქვენ იყავით ჩაყენებული „მუშისაგან“?

დაფიქრდით კარგათ, არ შეგფერით ეგრე ქცევა!

P. S. აგრეთვე პოლემიკის ეთიკურ მოსაზრებით არ ვეთანხმები „ჩვენ კვალის“ სარედაქციო წერილების ზოგიერთ ადგილს, თუმცა გულ-წრფელ, მაგრამ მაინც შეუფერებელ კოლოს ამადლება. მაგრამ ეს საერთოდ წვეთი წყალია „ეკალის“ ლანძღვა-გინების მორევში.

ლეილი.

ნ ე ბ ა ვ ი მ ა ს ! . .

ნეტავი მას, ვინც კი გვეუფლებოდა, მშვიდ-მწუფრვალს ძმურად გაუწადებს ხელს, უნუგეშოს, დაჯდომილს, ძირს დაეცემოს, ზე-ადადგეს უმწკოს, ფეხ-ქვეშ დაეცეს.

და თუ გნახავს მეგობარს ატირებულს, მწარედ მკმინავს, თბილად შთენილს, მწუხარებს, ნუგეშს სცემს, ხელს მისცემს გაჭირვებულს, მით შეაშრობს თვალთ-მომჩქეფარ მდუღარეს.

ნეტავი მას, ვინც რომ გაუმეცადება
 აუტანელ ჩვენს ცხოვრებას იდეალ-დუხშირის,
 მხნედ, უშიშრად მძლავრად შექცევა
 და შექმნის რაღაც, სძლევეს ეფექტულად გასასკიან,
 ვინც ღაზრულად მკუმუნჯარებას და გლოვას
 არ ეძლევა, ებრძვის უშიშრობას
 და მოწოდებლად გულზე სკდება გროვას
 მოძეს, მოძეს ჭეჭანტავს, უმაგრდება მძლავრად მტრობას.

ნეტავი მას, ვინც კი თავ-განწირულად
 დემონთ რისხვას არას დროს შეუერ ება
 და რას ესმის მოძმეთ რბევას, გმირულად
 მტერს მოსეულს მსწრაფლ ვეფხვებო მკვლეობას.

ნეტავი მას! დიას, ვაშა მის სხეულს,
 ვინც გმირულად თავის სიტყვას და ძალას
 ხაფხს შესწირავს! ახ და უშუალო მოდელი სქდს,
 იქნეს ცელს და ჭეჭავს ეკლას სჯდს.

გ. ქუჩიშვილი.

მუშა—ფილოსოფოსი *).

ლიცგენი იწყებს გონების გარჩევას—„კრიტიკისგან“, რაც დასაბამიდან აუცილებელ შინაარსს წარმოადგენს ყოველ ფილოსოფიურ მოძღვრებისას. თუ ჩვენ გონების მუშაობას კარგათ გავიგებთ და შევიგნებთ, ამით ისეთ კრიტერიუმს შევიძენთ, რომლის საშუალებით ადვილად გავარჩევთ კარგსა და ავს, ქეშმარიტებასა და მრულდ შეხედულებას; ერთი სიტყვით, შემეცნების სფერაში გზა გაკლუული გვექნება. ფილოსოფიის მუშაობა დღევანდელამდე ვერ შესძლო გონების შინაარსის გაგება-ახსნა, სპეკულიატიური აზროვნება, მოცილებული რეალურ სინამდვილეს, გრძნობათა ქვეყანას, მეცნიერებას, მეტაფიზიკურ სივრცეში დაფრინავდა; დღეს, როგორც იქნა, ფილოსოფოსებმა გაიგეს, რომ ადამიანის გონება კი არ ქმნის სინამდვილეს, არამედ სინამდვილე გრძნობათა გამოცდილების *) საშუალებით წარმოშობს გონებრივ მუშაობას, რომ ყოველი გრძნობათა გარეშე მყოფი, მომქმედი შემეცნება მრულდა. მაგრამ ეს ქეშმარიტება, თანამედროვე მეცნიერების დასკვნათა ნიადაგზე დამყარებული, მათი შემაერთებელი აბსტრაქციაში, ღიგენის აზრით, როდია საზოგადოებრივი შეგნების საკუთრება; ამიტომ, საჭიროა საესებით გამორკვევა გონების ბუნება-შინაარსისა და ამით შემეცნების პრინციპების ნათლად გამოტანა კაცობრიობის გონებრივ ცხოვრებაში. და აი დიდებული ფილოსოფოსი უდგება აზროვნების ანალიზს. მის შესანიშნავ ნაწარმოებს: Das Wesen der menschlichen Koprarbeit-ის მეორე თავში ღიგენი ამბობს: „აზროვნება არის ფუნქცია ტვინისა, ისე როგორც წერა ფუნქციაა ხელისა. და რამდენათ ანალიზი ხელისა გვშეველის ჩვენ იმ კითხვის გადაწყვეტაში, თუ რა არის

წერა, იმდენად ფიზიოლოგიურ გამოკვლევას ტვინისა შეუძლია დაგვეხმაროს აზროვნების პრობლემის გადაწყვეტაში“. მაშ როგორაა აზროვნება ტვინის ფუნქცია? ამ კითხვაზე ფილოსოფოსი ასეთ პასუხს იძლევა: „იმისი ცოდნა, რომ აზროვნება არის შედეგი ტვინის მუშაობისა, გვახლოვებს ჩვენ ჩვენ შესწავლის ობიექტს (საგანს) იმდენად, რომ ის ფანტაზიის სამეფოდან, სადაც მოჩვენებანი დახეტიალობენ, სინამდვილის სინათლის სფერაში ეშვება. არა მატერიალური სუბსტანცია სული იქმნება ასე და ამგვარად ხორციელ მოქმედებად“ (Das Wesen 52, 53). როგორც ვხედავთ, ფილოსოფოსი აზრით, ადამიანის აზროვნება არავითარ მისტიკურსა და შემეცნებისათვის მიუწდომელ კატეგორიას არ წარმოადგენს: რამდენად ჩვენთვის ადვილი გასაგებია ყოველი სხვაგვარი მოქმედება ადამიანისა, იმდენად შესაძლებელია ავხსნათ ის მოქმედებაც, რომელსაც აზროვნება ეწოდება. „აზროვნება ისეთივე მოქმედებაა, როგორც სიარული. ჩვენი შემეცნება აზროვნებისა, სულისა ისე გრძნობიერია, როგორც სიარული, ტკივილი, საზოგადოდ როგორც ჩვენი მდგომარეობები. ჩვენ ვგრძნობთ აზროვნებას, როგორც სუბიექტიურს, შინაგან პროცესს“ (Das Wesen). „აზროვნების აპარატი არის ისეთი საგანი, როგორც ყველა სხვა საგნები, არის ნაწილი ანუ აქციდენცია ქვეყნისა; ის ეკუთვნის უპირველესად საზოგადო (ან საყოველთაო) კატეგორიას ყოფნისას“... შინაარსი აზროვნებისა, რასაკვირველია, სხვა და სხვა არის, მაგრამ ფორმა მისი ყოველთვის ერთი და იგივეა; ასე რომ აზროვნებაში, ისე როგორც ყოველ მოვლენაში, განიჭევა ორი მომენტი: საზოგადო და კერძო, სუბიექტიური და ობიექტიური.

ჩვენ ვთქვით, რომ აზროვნებას შინაარსი აქვს-ქო; ყოველ „შინაარსს“ კი თავისი განხორციელება სინამდვილეში მოეპოვება, ამიტომ აზროვნებასაც თავისი ობიექტი, საგანი, მისი შინაარსის კონკრეტიზაცია ესაქიროება. შინაარსი აზროვნებისა თვითონ აზროვნებაა, მაგრამ ობიექტი, საგანი აზროვნებისა, კონკრეტი განიჭევა აზროვნებისგან. მაგალითად ხე, რომელსაც ჩვენ ვხედავთ, ვცნობთ, რომლის შრიალი გვესმის, ერთი სიტყვით, ხე—საგანი გრძნობისა, როგორც შინაარსი ჩვენი აზროვნებისა, არის თვით აზროვნება, მაგრამ იგივე ხე, როგორც ობიექტი, საგანი ჩვენი აზროვნებისა არ თავსდება ჩვენ თავში, ის ჩვენ გარედ არის.

შემდეგ ღიგენი გადადის იმის გარჩევაზე, თუ როგორ დამოკიდებულებაში არიან აზროვნება და ყოფნა. ჩვენ გვგონია, რომ ეს ორი მცნება სხვა და სხვას რასმეს წარმოადგენენ და ვაშბობთ, რომ ერთი საქმეა — გრძნობათა ქვეყანა და მეორე—მისი გონებრივი გამოხატულება-შეგნება (Beqriff), მაგრამ არ უნდა დავივიწყოთ ის, რომ თვით აზრს, რაც უნდა აბსტრაქტული იყოს იგი, ჩვენ გრძნობათა საშუალებით ვიმეცნებთ (Erkennen, познаем), მაშასადამე განსხვავება აზრსა და საგანს შუა არ არის. „უპირველეს მნიშვნელობის შეძე-

*) იხ. პირველი წერილი, „ჩვენი კვალი“ № 21.

*) Опыт, Erfahrung.

ნად ამ პრობლემის გადაწყვეტაში, ამბობს ფილოსოფოსი ერთ ადგილას („Das Acquisit der Philosophie), უნდა ჩაითვალოს ის ჩვენს დროშ იგავრცელებული აზრი, რომ ბუნება ადამიანის ინტელექტისა ნათესავია ბუნებისა საზოგადოდ... „ეხლა ჩვენ დადასტურებით ვიცით, რომ ადამიანის სული წარმოადგენს განსაზღვრულ ნაწილს განუსაზღვრელ კოსმოსისას, სამყაროსი უნივერსუმისას.“ (Josepu dizpeu)—ლიცგენი აქ თავიდანვე საძირკველს უდგამს იმ პრინციპს მატერიალიზმისას, როგორც ფილოსოფიური მიმართულებისას, რომელიც იმას ამტკიცებს, რომ ადამიანის გონება ერთი მოვლენათაგანია საზოგადო ყოფნისა.

როგორც სხვა ობიექტები რეალულ სინამდვილისა, როგორც ყოველი საგანი, აზროვნებაც გამოიხატება სხვა მოვლენებთან დამოკიდებულების საშუალებით. ავიღოთ—მაგალითად—სახლი, როგორც ობიექტი. რისთვის გამოიხატება ის ადამიანის გონებაში? მიტომ, რომ ამ სუბიექტს (ადამიანს) შესაფერი საშუალება მოეპოვება—მხედველობა; აი ეს ვითარება რეალობისა, ობიექტისა—ერთის მხრით და გრძნობათა მოქმედებისა, სუბიექტისა—მეორე მხრით, ხდის შესაძლებლად ვარეშე ქვეყნის შემეცნებას. აზრიც ასეთ მოვლენას წარმოადგენს; ისე აზრი გაუგებარი რამ არის, თუ მას თავისი ობიექტი არ ახლავს. ტვინის ფუნქცია ისეთივე „წმინდა“ ფუნქციაა, როგორც ფუნქცია სმენისა, გემოვნებისა, მხედველობისა და სხვა. მაგრამ, მაშინ როდესაც ადამიანის სხვა ორგანოები განსაზღვრულ მოვლენათ განაგებენ, ტვინის ფუნქცია—აზროვნება განუსაზღვრელია, —მას მთელი ქვეყანა „ემორჩილება“. „ყველაფერი, რასაც კი ვხედავთ, გრძნობათათვის მხოლოდ მიტომ არის მისაწდომი, რომ ეს (ყველაფერი) მასალად ხდება ჩვენი ტვინის მუშაობისა. საგანი და შინაარსი აზროვნებისა არის ყველაფერი. მოქმედება აზრისა განიზომება საზოგადოდ ყველა ობიექტებით.“ (Das Wesen. გვ. 55). ასე რომ ჩვენი შემეცნება ისე განუსაზღვრელია, როგორც თვით რეალობა; ეს ისე კი არ უნდა გავიგოთ, თითქოს მთელი ქვეყნის გონებრივი ფოტოგრაფია თავში გვქონდეს, —არა! თუმცა ჩვენ ყველა ობიექტების შემეცნების საშუალება გვაქვს, მაგრამ არც ერთის მთლად, ზედმიწევნით, ყველა ნაწილებით ე. ი. შემეცნება ვერ გაგვიწევს ობიექტიურ სინამდვილის მაგიერობას... (Das Wesen 55-6), ობიექტები არ ილესებიან შემეცნებაში. მხედველობას ეკუთვნის რაღაც მეტი იმაზედ, რასაც ჩვენ ვხედავთ; სმენის სფერას ყველაფერი, რასაც ვისმენთ, აზროვნებას, —ობიექტი; მაშასადამე, კიდევ რაღაც, რაც ჩვენ აზრის გარეშე იმყოფება, ჩვენ შეგნების გარეშე“. ჩვენი შემეცნება სინამდვილისა შეიცავს ორ მომენტს, ორნაირად ვიღებთ ჩვენ მას: შეიცავს ორ მომენტს, ორნაირად ვიღებთ ჩვენ მას: როგორც გაგეშეს, რეალობას და —შინაგანს, შეგნებას, წარმოდგენას; შინაგანი ქვეყანა—ჩვენი შეგნება და წარმოდგენა—საესებით ვერ გადმოგვცემს რეალურ სინამდვილეს: მაგ., ხე შეგნებული, წარმოდგენილი

არის ხე საზოგადოდ, და არა მისი სხვადასხვაობა; წარმოდგენა ან შეგნება იმდენად განირჩევა თვითონ საგნიდან, რამდენად—საზოგადო კერძოსაგან.

მან-წილი.

(შემდეგი იქნება)

„დისციპლინის პორიადკა“.

კარგს ვერაფერს გახარებთ. მსხვერპლი, მეგობრებო, მსხვერპლი და კიდევ მსხვერპლი! „ნაჩაღნიკებს“ მატარებელი უმეძნეანოთ გამოეშვათ, დაეჯახნენ ერთმანეთს და შეიქნა ზათი და ზრიალი.

ღმერთმა შეგვიბრალა, ენა არავის არ წამოვარდნია პირიდან, მაგრამ, ქაფიც მსხვერპლია გამშრალ ყანყრატოსათვის.

მე მოგახსენებ წერა-კითხვის საზოგადოების კრების შესახებ, რომელიც მოხდა წარსულ კვირას. უპირველესი „რაზიგზლები“, სადაც უფარნო მატარებლები შეხვდნენ ერთმანეთს, ეს იყო: ბათუმის სკოლა, სადგური აკობია და საზოგადოების ქანქარ-მანქარი, ე. ი. შემოსავალ-გასავალი.

უპირველესი მატარებელი, № 000, რომელიც ელვის უსწრაფეს გამოქანდა, ეს გახლდათ ირაკლი რამიშვილი. ის დაეჯახა „დისციპლინის პორიადკას, კულტურაციას, სპეკულიაციას, ავანსიპაციას“ და სხვა მრავალ ამგვართ. ეს კორიანტელი, თვით რამიშვილს რომ თვის თვალისთვის თითის წატაკება სდომებოდა, არ მიაგებინებდა. მაგრამ თავმჯდომარე მიხვდა, გამოუშვა ორთქლი და რამიშვილის ზევითა ვაგონი უვნებლივ გადაარჩა. მან ამგვართ, გამოარკვია ბათუმის სკოლის „სპეკულიაცია და „დისციპლინის პორიადკაზე“ დაყენება.

არა ნაკლების სიჩქარით წამოვიდა მისკენ გ. ჟურული, აი ის ჟურული, ერთხელ მე რომ მკრეპავდა.

— ჩვენ ვცადეთ, ჩვენ ვცდილობდით, ჩვენ ვიყავით, ბათუმის სკოლა... ქართველ მაჰმადიანთა ყმაწვილები... მოლებსაც კი ქრთამს ვაძლევდით... ეხლა მე რომ მკითხოთ, ბათუმის სკოლა, ბათუმის სკოლაა.

— წკრრრ... შეაყენა მატარებელი თავმჯდომარე, ახადეს ზარფუში, რომ პარავოზში ორთქლს ეკლო. გადავჩიოთ განსაცდელს, გავუძელით ორ ცეცხლმფრქვევ ვეშაპს. მაგრამ დახეთ ჩვენს უბედურებას! ზურგიდან მესამე მატარებელი—ა. მირიანაშვილი გამოქანდა.

— ყმაწვილებო, მორჯულება, ჩემის აზრით, მაგრე არ უნდა, მე ერთხელ მოლა სიონში ვაზიარე... ამის გარდა ჩ. ყ. პ. წელსა, როდესაც ნაპალეონი მცხეთას შემოესია, ჩვენ იგი უკუვაგდეთ, რადგან კაი მოგვერდი ვიცოდით, ამიტომ ბათუმის სკოლაც...

— წკრრრ... შესდექ! შეაჩერეს რაინდი. საკითხი საკმაოდ გამორკვეულია. ბრძანა თავმჯდომარე და მიწყნარდა არე-მარე. მატარებლები მეორე შედლოუხისთვის დაემზადნენ. მანქანებში წყალი მიუშვეს.

აწ ჯერი მიდგა სადგურ პ. აკობიაზე.

— ლალატი! ლალატი! იყიდება პავლე აკობია, ამისი ნება არა აქვს კულტურულ დაწესებულებას. არ უნდა გაყიდოთ ყველაფერი, განუჩეცლოთ! მიმართულე-ბისა კილოსი, ლანძღვისა, მრუშობისა... გამოვარდა ერთი პარავოზიდან ცეცხლის ენა. ფედერალისტებს დაეზარა დაეცათ, რადგან ორატორმა კარგათ ვერ გამოარქვია რა იყიდებოდა, პავლე აკობია თუ მისი უკვდავი თხზულებანი.

— მაშ, თუ აგრეთ, იყიდება თქვენი სოსო მაქავა-რაიანიც! მოუგეს მათ ნიშნი მოპირდაპირეს.

— ცენზურა, დეზინფექცია, არ გაიყიდოს. ცეცხ-ლი, ცეცხლი, ორთავეს, ცენზურა! გიორგი ჟურულს სიამოვნების ღიმილმა გადაჰკრა, მას მოაგონდა წარსუ-ლი დრო, დროი ნეტარი.

— გააღეთ ფანჯრები, გაგრილდით! ურჩიათ ვი-ლაქამ, მაგრამ ამ დროს კვლავ დაიძრა რამიშვილის „პარავოზი“.

— გამიშვით, გამიშვით! ბატონებო, მე მარქსის გამო ვაწყენინე ერთს ჩემს საყვარელს კაცს, ის მე პრო-ტექციას მიკეთებდა. ეხლა კი აკობია, ვუი მაგისა... გა-მიშვით! მიმიშვით! ბატონო თავმჯდომარე, თქვენ ყი-რიმის ომში ბრძანდებოდით, მეც იქნეი გახლდით, მაშინ აკობია ბალანეი იყო...

— წკრარ... კმარა, კმარა, საკითხი გამოირკვა, როგორც სჩანს, ომში ყველანი ყოფილვართ. შეაყენა მატარებლები თავმჯდომარემ და გადავიდნ საზოგადოე-ბის ქანქარ-მანქარზე.

— მე ვიყიდე ათი ბატი, დაიწყო დ. კარიკაშვილმა, თითოში მივეცი ორ-ორი კაპეიკი. ამთგან, წლის გან-მავლობაში გავყიდე ერთი, რომელშიაც მომცეს სამი კაპეიკი. დანარჩენი ცხრა ბატი საქათმეში მიბია, მაშა-საღამე, მე, ე. ი. საზოგადოებას, თუმცა ცოტა, მაგრამ მაინც მოუგია, მოუგია ერთი კაპეიკი.

— მეგობარო, შენა სცდები, შენ გიყილია ათი ბატი, მიგიცია აბაზი, გაგიყილია ერთი ბატი სამ კა-პეიკათ, აღგიდგენია დახარჯულიდან მხოლოდ სამი კაპეიკი, 17 კაპეიკი ზარალი გაქვს, რადგან შენ ბატებს არაიენ ყიდულობს. უხსნიდნ დ. კარიკაშვილს, მაგრამ მას მაინც მოგება რჩებოდა.

— წკრარ... კითხვა გამორკვეულია, დაუყარა საკენკი თავმჯდომარემ და შეაყენა ორატორები. ამტკი-ცებთ თუ არა ბატებს?

— ფეშქაში, ინდაურებიც და დაჰკრეს ბეჭედი ანგარიშს.

ორატორებმა ოფლი ჩ. მოიწმინდეს, გადახედეს კრწანისის ველს, სადაც მათ აღემაართებათ ძეგლი, ვითარცა ქართველს გამგებებს და მიიქცნენ სარეცელსა თვისსა.

ასე და ამგვარათ, ნათლათ, დაწვრილებით, გამოარ-კეიეს მათ საქმის ყოველივე საკითხი. ძნელია ძმო, როდესაც წისქვილს ხორბალი არ აყრია. ძნელია და სახიფათო, უმემანქანო მატარებლის გაშვება, ძნელია, რო-დესაც „დისციპლინის პორიადკაზე“ არ მუშაობს გოგრაი

ასე გათავდა კრწანისზე
ორ შებმულ მტერთა ომია,
უყურებთ: შევნით ჩაფხუტი,
სუყველა ერთათ ლომია!
ზოგი გადადის კამარას,
ზოგიც მკლავითა მწდომია,
ირაკლი ქშინავს ვეშაპებრ,
ცხენზე უკულმა მჯდომია!
დადგა ზღვა მონაქაფისა,
ყანყრატოთ შექმნეს ზავილი,
გმირთა ჰკრეს აკობიასა,
ქვეშიდან ისმის კნავილი!
ვაი, რა ძნელი ყოფილა
უძვალო ენის ქავილი!

ავტორი.

ს ა თ ა რ - ხ ა ნ ი *)

სათარ-ხანი დაბადებით ღარადაღელი არის. ღარა-დაღი (სპარსეთი) ადერბეიჯანის ჩრდილოეთის ერთ-ერთი მთიანი ადგილია, რომელიც აკრავს ღარაბაღს. ეს მთი-ანი მაზრა სძევს მდინარე არაქსის მარჯვენა მხარეს, რო-მელსაც არა თუ მარტო ადერბეიჯანისათვის, ჭარამედ მთელ სპარსეთისათვის უჩუქებია მრავალი გამოჩენილი სახელმწიფო მოღვაწენი, მუჯღდები (მაღალ ხარისხის სასულიერო წოდების პირები). ღარადაღელი რამდენიმე მუჯღდები დროებით ყოფილან ქერბალაის უმაღლესი სასულიერო მამები. ქერბალაი შიიტების სალოცავი ადგილია, სადაც ყოველ წელიწადს ემგზავრებიან ური-ცხვი შიიტები სალოცავათ.

1850 წლამდინ, ესე იგი, ნასრედინ შაჰის მეფო-ბამდინ, ეს ქვეყანა ფაქტიურათ თავისუფლათ ყოფილა, თუმცა სახელით ესეც ირანის შაჰნ შაჰს ექვემდებარე-ბოდა. ნასრედინ შაჰის პოლიტიკამ დაიმორჩილა არა მარტო ღარადაღი, არამედ ბახტიარელები, ლორისტანე-ლები, შაჰსოვანები და სპარსეთის ქურდისტანის ერთი დიდი ნაწილი (ლარისტანელები და ბახტიარელები ცხოვ-რობენ ცენტრალურ სპარსეთის შირაზის სამხრეთისაკენ).

ნასრედინ შაჰის მიზანი იყო, დაემონავებინა სპარ-სეთის მთიულეთის თავისუფალი მცხოვრებნი, რისთვისაც მან 1850 წელს თავის საღრაზამის (პირველი მინისტრი) საშუალებით ადერბეიჯანის მთავრობას გაუგზავნა ერთი საიდუმლო ბძანება, რომელშიც წინადადებს აძლევდა, რომ რუსეთ-სპარსეთის საზღვრების დასაცველათ დაე-ნიშნათ ღარადაღის ერთ-ერთი გამოჩენილი ხანი; იგი ელოდა, რომ ამ გზით ხანების შორის გაიმართებოდა კონკურენცია, რომლის გამწვავებით ხანები ერთმანეთის წინააღმდეგ ბრძოლას დაიწყებდნ და მათ ძალა და სოლიდარობა გამოეცლებოდათ.

*) ამ მოკლე ბიოგრაფიის შესაღებნათ, სხვათა შორის, ვი-სარბებლუ სომეხ ცნობილ მწერალის ბ-ნი ატრეპტის წერილებით.

რომ არ გავაგრძელოთ, ნასრედინ შაჰის დევიზი იყო ლათინური „divide et impera“, რომლის საშუალებითაც ლარადალის ძლიერი ხანების ძალა გაანაწილა და საქმე იქამდის მივიდა, რომ ხანებმა ირა თუ ერთმანეთის წინააღმდეგ ბრძოლა დაიწყეს, არამედ ქრთამის საშუალებით ერთმანეთს საზღვრის უფროსობას ართმევდნ და ამ ხარჯების დასაფარავათ ხალხს უდიერათ ყვლეფდნ და მის უფლებებს ფეხქვეშ სთელავდნ. ამით სპარსეთის მთავრობამ ისარგებლა და ყოველივე მხრივ ლარადალელები დაიმონა, და რაც ხანებს დაუმთავრებლათ გაეშოთ, ის მთავრობამ შეასრულა. რა თქმა უნდა, რომ ხალხმა ამოდენა ძარცვა-გლეჯას ვეღარ გაუძლო და 1880 წელს, როდესაც ცნობილ ავაზაკმა, რაჰიმ-ხანმა საზღვრის უფროსობა ხელთ მოიგდო და ხალხს ძარცვა-გლეჯა დაუწყო, ახალგაზდა ლარადალელებმა ერთი შეიარაღებული ჯგუფი შეადგინეს და 1888 წ. რაჰიმ-ხანს შეებრძოლნ. ამ ჯგუფში მხურვალე მონაწილეობას იღებდა სპარსეთის რევოლიუციის დღევანდელი გმირი, ასე წოდებული, აღმოსავლეთის გარიბალდი, რომელიც ეკუთნოდა რაჰიმ-ხანის მიერ დაზარალებულ ხალხის მისას. თუმცა ზემოხსენებულ ჯგუფის მოღვაწეობა, ხალხის დასაცავათ, ძლიერ მხურვალე და ენერგიული იყო, მაგრამ ურიცხვ ბაშიბუზუთა ბრბოს ვერ გაუძლო და დაიშალა, და რადგანაც სათარ-ხანს ლარადალში ცხოვრება ვეღარ შეეძლო, ამისთვის იგი თავრიზს გაემგზავრა და ვალიათის (შაჰის პირველ შვილს ასე უწოდებნ) სამსახურში მყოფ, სათარ-ხანის მიერ ამ ახლო ხნებში დამარცხებულ, ეინ-უდ-დოვლეს შეეკედლა. ამ დროს რაჰიმ-ხანი ყაზაღათ გავარდა და დაიწყო მთავრობის წინააღმდეგ მოქმედება. ნასრედინ შაჰმა ბრძანება გამოსცა, რომ ის შეეპყროთ და თავი მოეკვეთათ. სათარ-ხანი, ხალხის ჯავრის ამოსაყრელათ, ცდილობდა, რომ ამ ბრძანების აღმასრულებლათ ის გაეგზავნათ, მაგრამ ადერბეიჯანის მთავრობის მეთაურთა ინტერესები მოითხოვდნ, რომ რაჰიმ-ხანს არაფერი მოსვლიყო, რადგანაც იგი ყოველ წელიწადს რამდენსავე ათას თუმანს უგზავნიდა მათ და ქრთამავდა. სათარ-ხანმა რამდენჯერმე გაიმეორა თავის თხოვნა, მაგრამ მისი ცდა უნაყოფო დარჩა. მისი მდგომარეობა იმდენათ გამწვავდა, რომ იგი იძულებული გახდა, თავი დაენებებინა სამსახურისთვის, რადგან მისმა კოლეგებმა აზრი გაუგეს და დენა დაუწყეს. ამის შემდეგ სათარ-ხანი თავის თავის დასაცავათ შევიდა რუსეთის ქვეშევრდომ ვაჰრების მოთავეს ადილ-ხანის სამსახურში, რომელიც რუსის მთავრობის პრესტიჟის საშუალებით ხელუხლებელი იყო და არ ექვემდებარებოდა სპარსეთის მთავრობას.

ბ.ნი ატრპეტი ასე ასურათებს სათარ-ხანს: „ბევრ-ჯელ მინახეს სათარ-ხანი როგორც ადილ-ხანის კანტორაში, ისე სახლში ერთ პირთან, ვისაც იგი ემსახურებოდა, და სოფლებში, სადაც იგი მუშაობს (ხარჯის ამკრეფი) მოვალეობას ასრულებდა. ეს გამხდარი, შავ-

გვრიმანი და აგებულიობით წვრილი, მთიული ყოველთვის ჩაფიქრებული და დარდიანი იყო. ხშირათ, ნერგილეს (ყალიონი) მაწოდებდა. შევხედავდი ხოლმე სახეზე, როდესაც დარდიან თვალებს მომაშორებდა, ხმის ამოუღებლათ მობრუნდებოდა და გავიდოდა ოთახიდან. ვინ მოიფიქრებდა თუ მის გულში რა ტრიალებდა და რაზე ფიქრობდა იგი მუდმივ“.

ჩვენ კი დავეუმატებთ, ვინ მოიფიქრებდა, რომ ეს ბედისაგან დევნილი კაცი, 13 წლის შემდეგ, გააკვირებს თავის ვაჟკაცობით მთელ ქვეყანას, რომ ასე მედგრაით შეებრძოლება ძველ რეჟიმს, მრავალჯერ დაამარცხებს მის ბნელ ძალებს და ამაყათ ააფრიალებს თავისუფლების დროშას.

Artemius.

(გაგრძელება იქნება)

დიაღ მზის სხ-ეებს, ჩემს სთაყვანოს,
რათ ვუაღერსებ, ან რადით ვაღი?
ტყვეთ შეგუჰყრიაზ ბოროტ სმაქეთს,
ვინ შემბრძლებს, ვინ არის მისნელი?

დაკოდილს, გემუფს, გულ-სისხლიანსა
თავზე მეკლება წვედადი—ბეკლი...
აზარაბა მუაფს ჭირისუფლათ,
ტრემლებს მფრანს კედლები სველი.

მოსდგადა ქვაშა... დამძირა წყალმა—
სხავს, სააღერსოს, ჩამოკწედა მარად...
ავსულთ კისკისა ზომესმის მხოლოთ,
დამკივის ჭოტი გულ შესაზაზათ!

ტკბილის ოცნებით გვლავ სინამდვილეს,—
ვიწვევ სიუჯარულს... მისნელს-მფარველს ველი,
მაცრამ ამათ, აზარა მისმენს;
ჩამოტირანს კედლები სველი.

ტყვეს, დამარცხებულს, ხელ-ფეხს შებორკილს,
შემაშისინებს მტურაფი—გველი,
გული არ ცხრება, გული ოცნებოსს,
გაურბის წვედადს... აზა სჩანს მისნელი!

ბაბ—ი.

თეატრი.

წარმოდგენა ავგალის აუდიტორიაში

„სწიგნების გაჩეჟე“. დრამა 4 მოქ. ჰროტომაზოვისა.

როზორტ იქნა, ეშველა და ყურადღება მიექცია ავგალის აუდიტორიას. სახალხო უნივერსიტეტთან დაარსებულ თეატრალურმა სექციამ 11 ოქტომბერს დაიწყო წარმოდგენების მართვა. არ შეგვიძლია სიამოვნებით არ მივეგებოთ ამ მოვლენას მით უმეტეს, რომ დასი საკმაოდ გამოცდილ და ენერგიულ პირებისაგან შედგება. ამ დღეს წარმოდგენის პროტოპოვის დრამა „სწიგნების გაჩეჟე“. შეგჩერდეთ ცოტა ხნით ამ პიესაზე.

მდიდარ, არისტოკრატი ტატარცევი ყავს ორი შვილი: ქალი ელენა (ქ-ნი ბოგოლასვილი) და ვაჟი იური (ბ. ჯაბაური). ფარდის ახლისას, ელენა იზებირებს სიტყვას, რომელიც უნდა წარმოთქვას მან პირუტყვთა მფარველ საზოგადოების კრებაზე. ელენა დიდი მოსარჩლეა პირუტყვების, მას კირივით ეჯავრება ის „ფი-

შობდენ. უკანასკნელი კარგი იყო მით უმეტეს იმ ადგილებში, სადაც ის ტატარეცხა და იურის ელაპარაკება. საუცხოვო იყვნენ ბ.ბ. ბაქრაძე და ბოცირიძე. ბ. ჯაბაშურს არა უშავდა რა, ასევე ითქმის ბ-ნ ხახანოვზე. საზოგადოთ ამ ორს, რამდენადაც ჩვენ შევნიშნეთ, როლი ნაკლებ შეესწავლათ. სხვები ანსამბლს ხელს უწყობდნენ. აქვე უნდა შევნიშნოთ, რომ ბ. ინაშვილს ნიკიფორეს როლი სრულებით არ უხდებოდა უმჯობესა იქნებოდა თუ სხვა როლს აიღებდა.

წესრიგი საზოგადოთ, გვარიანი იყო. თუმცა, წინა დელ წარმოდგენებზე დაჩვეული ზოგიერთი „თავისუფლების მოყვარე“ ემაწილები ხანდისხან გაილაშქრებდნენ ხოლმე ადმინისტრატორთა წინააღმდეგ, მაგრამ, საზოგადოთ, წინანდელთან შედარებით დიდი ცვლილება იყო.

სამწუხაროთ, წარმოდგენას საზოგადოება ნაკლებათ დაესწრო. მიზეზათ ის უნდა ჩაითვალოს, რომ აფიშების გავრცელება ვერ მოესწროთ. იმედია მომავალში ეს არ განმეორდება და საზოგადოება სავსეაოთ დაესწრება.

პარნასი.

ქ. ქუთაისი. აქაური, სპეციალურათ ქართული წარმოდგენების მმართველი დრამატიული საზოგადოება დაიქსაქსა, დაქუცმაცდა იმ საგრძნობელ დეფიციტების გამო, რომლითაც ის ყოველ წარმოდგენიდან უიმედობას ეძლეოდა. ვერ აიტანა ამხანაგობამ საზოგადოებისგან მოულოდნელი ასეთი გულგრილობა და ამ წლის სეზონის გაგრძელება ასეთ პირობებში შეუძლებელი გახდა; კინაღამ შეწყდა წარმოდგენების მართვა ხარჯების დაუმცაფილებლობის გამო... მაგრამ სავსებით სული მაინც არ დაუღაბავს სცენიურ ხელოვნებას; დრამატიულ საზოგადოების ამხანაგობამ ერთხელ და უკანასკნელათ კიდევ სცადა რომელიმე პიესით მაინც შეერყიათ აქაური საზოგადოების თეატრისადმი აპათია—და მართლაც, ამ ცთამ უნაყოფოთ არ ჩაიარა. ხსენებუ მა საზოგადოებამ მონახა კიდევ ამგვარი, თანამედროვე, მაღელვებელ კითხვებ-პასუხებით აღსავსე მისტერია-ცნობილ ბელგიელ სიმვოლისტ-დრამატურგ მეტერლინკის სამ მოქმედებიანი სასწაული „და ბეატრისა“, ადგილობრივმა დასმა კვირას, 12 ოქტომბერს ქ-ნ ნინა ჩხეიძის მონაწილეობით „სცადა“ ამ დრამის წარმოდგენა. შარშან ესევე პიესა თფილისშიაც დაიდგა ბ-ნ შალიკაშვილისა და ქ-ნ ნინო ჩხეიძის თაოსნობით. ამ პიესამ მოსალოდნელი მითქმა-მოთქმა გამოიწვია ქართულ ჟურნალ-გაზეთებში; ერთი აურზაური ატეხა მის პიროვნებათ სცენაზე მოვლინებამ და ბევრი სტატიებიც დაიწერა მის შესახებ.

აი სწორეთ ამ წინასწარ აზრთა შეჯახებამა და ჟურნალ-გაზეთების მიერ ატეხილმა დავამ ამ საგანზე გამოიწვია მსმნელ საზოგადოების არაჩვეულებრივი, მოულოდნელი მოზღვავება თეატრში; ზედმეტ ბილიეთების გაყიდვის მიუხედავათ ბევრი გალდაწყვეტილი დაბრუნდა.

ორიოდე სიტყვა თვით პიესაზე და მის შესრულებაზედაც. მოგეხსენებათ მეტერლინკი, ამ ბოლო წლებში ლიტერატურულ ხელოვნებაში მიმდინარე მათევის-

სიმვოლისმის საუკეთესო წარმომადგენლათ ითვლება, „ბეატრისაში“ ავტორი ატარებს, თითქოს სკრის კიდეც, დღევანდელი საზოგადოების მაღელვებელ, მის სულსა, გონებისა და გულის მაშფოთებელ „სილამაზის“, „სიმშვენიერის“, სიყვარულის საკითხს. მისი აზრით, თუ ზრთიერ ღმრის სქესობრივი სიყვარული სპეტაკი და წმიდაა, რა ფორმაშიაც უნდა გამოიხატოს იგი, მაინც ეს გრძნობა სიკეთეა, საგმირო საქმეა, რომელსაც თვით განგება, ღმერთი, ციური ძალა, მაღალი არსი (პიესაში მადონა) ხელს უწყობსა და ამართლებს. პიესა დიდათ საინტერესო და ორიგინალური ნაწარმოებია.

შევვხვით თვით წარმოდგენის მიმდინარეობასაც. სამართალი მოითხოვს აღვნიშნოთ, რომ დასს ყოველგვარი საცდელი ელონა, რათა პიესას მნიშვნელობა არ დაჰკარგოდა, რისთვისაც ბევრი რამ ახალი, ტექნიკური მხარეების გაუქმობისებით, შეეძინათ ამ პიესისთვის, მაგრამ მაინც, რასაკვირველია, ასე ძნელათ შესასრულებელი პიესა, და მეტადრე ძნელათ გასაგები ქუთაისის სცენაზე, სავსებით ვერ შესრულდებოდა. ერთი უხერხულობა ის იყო, რომ სილამაზის, სიმშვენიერების განხორციელება, მადონას მაყურებელი პირის-პირ ვერ უტკეროდა, ქანდაკება ზურგ შექცევით იდგა ავანს ენაზე და შთაბეჭდილებას ვერ ახდენდა. სამაგიეროთ, მაყურებელთა გრძნობებზე სამოქმედებლათ წარმოდგენა მიმდინარეობდა სიმებიანი მუსიკის წყნარ მელოდირ ხმებით; მაინც პიესის ასრულებას ბევრი რამ აკლდა. შესანიშნავათ, შეუღლებლათ დასძლია ქ-ნ ნინო ჩხეიძის ასულმა „და ბეატრისას“ პასუხსაგებელი როლი. მხოლოდ უხერხული ის იყო, რომ მეორე მოქმედებაში მადონას გამოხატადა, მხოლოდ პირველსა და მესამეში ბეატრისას ასურათებდა, რაც შთაბეჭდილებას ახდენდა. კარგი იყო ბ-ნი მ. დადიანიც მონასტრის გამგის „მამის“ როლში. სისწორით მოეწყო მეორე მოქმედებაში მადონას ხორცშესხმულობის დროს გლახაკთა შემოსვლაც. მეტს მოველოდით ქ-ნ ივანიძედან. რაც შეეხება დანარჩენ პირთ—დანარჩენ მონაზონთა როლს ამსრულებელთ არც ერთი თავს არ გრძნობდა თავის ადგილას, არევედარევეთ, შეუთანხმებლათ მოქმედებდნენ. სისწორითვე გადმოგვცა ბ-ნმა ზარდალიშვილმა პრინცის როლი.

აქვე გავიხსენიებ, რომ წარმოდგენის წინ ბ-ნმა დადიანმა სწორედ კარგათ მოიქცა; მან მდებარე, მოკლეთ გააცნო და მსწრეთ მეტერლინკის პიროვნება და გაუმარტა მისი თვალსაზრისი, მისი პოეზიის ძირითადი თვისებები.

შემდეგი პიესა მიდის კვირას, სახელდობრ იუშევიჩის დრამა „მეფე“.

სერ—ჟორჟ.

პ რ ო მ ი ნ ც ი ა .

ზემო სვანეთი. ქურობამ ღრმა ფესვები გაიდგა მთელს სვანეთში. იშვიათია ისეთი ახალგაზდა, რომ წელიწადში რამდენჯერმე ცხენი არ მოიპაროს ოსეთსა

ე. ი. (ყარაჩაში, ჩერქეზეთში, ბახსანსა და ჩეგამში) და სამეგრელოში. ამ გარემოებამ კი დიდი შური და სიძულვილი დაბადა სვანებსა და ოსებს შორის. შარშან ზაფხულში ამ ნიადაგზე რამდენიმე მკვლელობაც მოხდა. ასეთ გარემოებას კი, ვისიც ჯერ არს, ძალიან მცირე ყურადღებას აქცევს. მაგ. ამას წინათ რამდენიმე პირებმა ოსეთში ცხენები მოიპარეს და ვადმოიყვანეს სვანეთში. ოსები გამოუდგენ ქურდებს კვალდაკვალ და მოყვნენ სვანეთში. მათ მიმართეს დახმარებისთვის ადგილობრივ ბოქაულს, მაგრამ ამ უკანასკნელმა რჩევა დაუწყო მათ მორიგებით გაეთავებინათ საქმე ცხენების მომტაცებლებთან... ასეთი შემთხვევების გამო დამოკიდებულება ოსებსა და სვანებს შორის მით უფრო მწვავედება და თუ ეს ასე გაგრძელდა, მოსალოდნელია ძალიან ცუდი შედეგები.

სკიმიერელი

ს. ასკანა (გურია). სიკვდილის პირზეა ჩვენი სამკითხველო მისული. ორი წელია, რაც ის დაკეტილია და მის გახსნაზე დღემდე არაფერს ამბობს. სხვაგან ახალს აარსებენ, ჩვენ კი დაარსებულს ვლუბავთ. დროა მივაქციოთ ამას ყურადღება. სამკითხველოსთვის შენობა არის, მაგრამ ის სანახევროთ დაღბა და ღამის მთლათ დაინგრეს. ასე სამკითხველოს მიეწყება სირცხვილია, სხვა არა იყოს რა. ამიტომ, იმედია, ამ გარემოებას მიაქცევენ ყურადღებას საზოგადოების მოწინავე პირები და აღძრავენ კიბხეას სამკითხველოს აღდგენის შესახებ.

ინკო-გნიტო.

კოოპერატიული საზოგადოებები

და პროფესიონალური მოძრაობა.

(გზაულის გაზეთიდან)

ამ უკანასკნელ დროს რუსეთის მუშათა მოძრაობაში ვამჩნევთ ახალ, საინტერესო მოვლენას — კოოპერატიული საზოგადოებების განვითარებას.

კოოპერატიული მოძრაობის ცენტრათ ითვლება პეტერბურგი, სადაც მოქმედობს ახლათ დაარსებული „შრომათა კავშირი“, ე. ი. კავშირი მომხმარებელ-მუშათათვის. „შრომათა კავშირი“ აღებს მუშათა უბნებში მომხმარებელ ღუქნებს და მწარმოებელ საზოგადოებებს (მაგ. პურის საცხობებს და სხ.). ეს მოძრაობა იზრდება დღითი დღე. მეტადრე მის ზრდას ხელს უწყობს ვიბორგის რაიონი პეტერბურგში; აქ „შრომათა კავშირმა“ თავის ოთხი თვის არსებობის დროს მოასწრო გავრცელება ყველა დიდრონი ფაბრიკების მუშათა შორის, სადაც „კავშირის“ მომხმარებელთა ღუქნებმა უკანასკნელ 23 დღის განმავლობაში გაყიდა 7,300 მანეთის საქონელი.

კოოპერატიული ამხანაგობები იზრდებიან დავრცელებიან, მიუხედავად სასტიკი დევნისა და წინააღმდეგობისა, უმეტეს შემთხვევაში სანოვანით მოვარკვე ჩარჩების მხრით, რომლებიც ჯამუშობასაც კი სწევნ როგორც „შრომათა კავშირის“, ისე ორგანიზაციების

წინააღმდეგ. „რადგან ესენი ხელს უწყობენ რევოლუციას“. განვითარება სანოვანითა ამხანაგობებისა, ისე, როგორც უდიდესი ზრდა პროფესიონალური მოძრაობისა, ხელს უწყობს მუშათა მასის აღზრდას, ახალისებს მის თვითმოქმედებისა და ორგანიზაციული მოწყობის საქმეს. პროლეტარიატის მაღალ წრეში, იკრებება უზარმაზარი ძალა, რომელიც ერთ მშვენიერ დღეს შემთხვევისთანავე შეუერთდება პოლიტიკურ ენერგიას.

ეკვი არ არის, რომ მწარმოებელთა ამხანაგობები, რომლებიც აერთებენ მუშებს, რამდენიმეთ უადვილებენ ცხოვრების პირობებს და აფართოებენ პროლეტარიატის ბრძოლის საშუალებებს. მაგრამ ამავე დროს ასეთი ამხანაგობები მუშათა მოძრაობისათვის წარმოადგენენ სახიფათო დაწესებულებებსაც. მწარმოებელი კოოპერატივები (თავისი მექანიზმით) ეს კაპიტალისტური წარმოებანია ე. ი. ისეთი დაწესებულებანი, რომლებიც სარგებლობენ დაქირავებულ მუშათა და ნოქართა შრომით და, როგორც ასეთნი, მიდრეკილნი არიან იბრძოლონ მუშათა მოთხოვნების წინააღმდეგ — პირველათ, კერძო კაპიტალისტების კონკურენციის ზეგავლენის გამო და მეორეთ, იმის სურვილითაც, რომ გაზარდონ თავისი მოგება. ასეთი სურვილი, ამასთანავე იზრდება იმის მეოხებით, რომ მწარმოებელი საზოგადოებები შესდგებიან არა მარტო მუშებისაგან, არამეთ წვრილი ბურჟუაზიიდანაც. აი მაგალითად, 78,700 წევრთა შორის „ცენტრალურ კავშირში“ ნემცების მომხმარებელ საზოგადოებებში“, რომელსაც კოოპერატიული ამხანაგობების წარმომადგენელი ელში მეთაურობს გერმანიაში, ითვლება მხოლოდ 500 მუშა.

თუ ასეთ პირობებში განვითარდება ხსენებული ტენდენცია ანუ მისწრაფება, მაშინ კოოპერატივებს, სარგებლობის მაგიერ, მუშათა მოძრაობას შეუძლიათ მოუტანონ დიდი ვნება: იმათ შეუძლიათ ჩამოაგდონ განხეთქილება მუშათა შორის, რადგან უპირატეს მდგომარეობას ჰქმნიან იმათთვის, რომლებიც, როგორც წევრები — მომხმარებლები, ღებულობენ კაპიტალისტურ მოსაგებს, ექსპლოატაციის საშუალებით თავიანთივე ამხანაგებიდან, რომლებიც დაქირავებულნი არიან კოოპერატივებისაგან. ამასთანავე კაპიტალისტებს შეუძლიათ ასეთი ფაქტი მაგალითად გამოიყენონ. თავიანთი მუშების მოთხოვნების დაკმაყოფილებაზე უარი სთქვან და მიუთითონ იმ წარმოების წესწყობილებაზე, რომლებიც თითონ მუშებმა დააარსეს. ასეთ მოსალოდნელ განსაცდელის წინააღმდეგ ზომების მიღება კი საჭიროა მანამ, სანამ მოხსენებული კოოპერატივები წუმბეში არ შესცურავენ და არ ჩაფულებიან, ისე როგორც ჩაიფლა ინგლისის და ამ ქაზათ იფლებიან გერმანიის კოოპერატივები.

ინგლისი — აკანია კაპიტალისტური განვითარებისა. იქ კოოპერატივებმა უმაღლეს წერტილამდე მიაღწიეს. ამას წინათ გამოაქვეყნეს ინგლისის მომხმარებელ ამხანაგობათა ანგარიში 1905 წლისა. ამ ანგარიშებიდან

ნათლათ სჩანს თუ როგორ არა ჩვეულებრივი სისწრაფით მომწიფდნენ ეს ორგანიზაციები ამ უკანასკნელ 43 წლის განმავლობაში, ე. ი 1862 წლიდან 1905 წლამდე. 1862 წელში ინგლისში იყო მხოლოდ 332 მომხმარებელი საზოგადოება, სადაც ითვლებოდა 90,341 წევრი, მათი ძირითადი თანხა უდრიდა 4,950,000 მანეთს, საბრუნავი თანხა 23,850,000 მან., წმინდა მოგება ღარბა 1,700,000 მანეთი. 1904 წელს კი იყო 2,664 მომხმარებელი საზოგადოება 2,320,116 წევრებით, ძირითადი თანხა იყო 445 მილიონი მანეთი. საბრუნავი თანხა 985 მილიონი მან. წმინდა მოგება ღარბა 100 მილიონი მანეთი.

ყოველ შემთხვევაში, ამ ციფრებმა ჩვენ არ უნდა და გვაბრმაოს. უნდა გვახსოვდეს, რომ ას მილიონებს უკან ეფარება ისეთი ორგანიზაციული ძალა, რომელსაც პირდაპირ არაფერი საზოგადო არ აქვს მუშათა კლასის ინტერესებთან და მის მოთხოვნილებასთან. ინგლისის კოოპერატივები უბრალო კომერციული წარმოებაა, რომლებიც გამსჭვალულია რეაქციონური წვრილი ბურჟუაზიული ინტერესებით. ისინი არსებობენ სრულიად დამოუკიდებლათ, ანუ არა აქვთ არავითარი კავშირი მუშათა მეტროპოლიტან ორგანიზაციებთან, არაფრით არ არიან შეკავშირებულნი ტრედუნიონისტებთან (ინგლისის მუშათა კავშირთან), რომლებთანაც შეერთებულია ძალა ინგლისის პროლეტარიატისა, არამედ ექვემდებარებიან იმ კანონების მოქმედების, რასაც ექვემდებარება კერძო კაპიტალისტების წარმოება.

ინგლისის კოოპერატივები გადაიქცნენ სრულიად კერძო კაპიტალისტურ წარმოებათ, რომელიც მუშათა პროლეტარიატის მდგომარეობას ოდნავ ყურადღებასაც არ აქცევს.

ასეთი ბედი ელის კოოპერატიულ მოძრაობას გერმანიაშიაც.

ს. თავართქილაძე

(შემდეგი იქნება)

სტუდენტთა შორის

(საქუთარ კორესპონდენტისაგან)

პირველი ფურცლის გამოსვლის შემდეგ, ნოვოროსიის უნივერსიტეტში ადმინისტრაციამ ჩვეულებრივ ზომებს მიმართა. უნივერსიტეტი აივსო სხვა და სხვა ჯურის ხალხით, რომელნიც თვალ-ყურს ადევნებდნენ მოსწავლე ახალგაზდობის ყოველივე ნაბიჯს. ეს ვაჟ-ბატონები იმდენათ გათამამდნენ, რომ ზოგიერთ პროფესორებს ლექციების კითხვის დროსაც კანტროლს უშვებოდნენ და სხვ. ასეთმა საქციელმა მოთმინებიდან გამოიყვანა ისედაც შევიწროვებული ახალგაზდობა და 7 ოქტომბერს კოალიციონურმა საბჭომ გამოაცხადა გაფიცვა და ხელშეკრუთ წარმოაყენა აკადემიური ხასიათის მოთხოვნილებები. გაფიცვამ მშვენიერათ ჩაიარა

საექიმო და ფიზიკო-მატემატიკურ ფაკულტეტებზე, მხოლოდ იურიდიულზე და ისტორიკო-ფილოლოგიურზე მან ვერ ჰპოვა ასეთი ნიადაგი. ეს იმიოთ აიხსნება, რომ პირველზე თვალსაჩინო რიცხვია კავშირის წევრებისა და აკადემისტებისა; მეორეზე კი ნორმალურ მეცადინეობის დროსაც თითო ლექციას 3—5 კაცი თუ დაესწრობა, ისე მცირეა ამ ფაკულტეტზე სტუდენტთა რიცხვი. ბ. ტოლმაჩოვი, რომელსაც პატარა შეურაცხყოფა მიაცენეს 7 ოქტომბრის ფურცლებში, გაზეთებში გამოაცხადა სტუდენტების საყურადღებოთ, რომ ის მკაცრ ზომებს მიიღებს არეულობის დასამშვიდებლათ. ჯერ დააპატიმრეს ოციოდე კაცი, მათ რიცხვში სამი ქართველი. ექვს გარეშეა, ბ. ტოლმაჩოვი სისრულეში მოიყვანს თავის მუქარას, იმ შემთხვევაში თუ გაფიცვა გაგრძელდა. მაგრამ გაფიცვა დიდი ხანი ვერ გასტანს. მოსალოდნელია, პეტერბურგის და მოსკოვის უნივერსიტეტების გადაწყვეტილება გაფიცვას იქონიებს ნოვოროსიის უნივერსიტეტზე და აქაც ამ მოკლე ხანში აიხსნება გაფიცვა.

არიფი.

ქუთაისის ძროხიკა.

აკაკის 50 წლის იუბილეს აღდგომობრივი მომწესრიგებელი, 5 ოქტომბერს არჩეული, კომისია გეგმის შედგენას მალე დაამთავრებს და ისევ კრებას წარუდგენს დასამტკიცებლათ.

◆ ქართული წარმოდგენების სეზონი დაიხურა, მაგრამ მისი გაძლოლა ახალმა ამხანაგობამ იკისრა.

◆ 27 ოქტომბერს, ილიას დაბადების დღეს, ქალაქის თეატრში მისი ფონდის გასაძლიერებლათ გაიმართება საღამო, სადაც მაყურებელთ ილიას ნაწარმოებთა ტიპებსა და სხვა და სხვა მოვლენებს აჩვენებენ. საღამოს პროგრამა, რამდენათაც ვიციოთ, შინაარსიანია. საღამოს მეთაურობს დავ. კლდიაშვილი, პ. ყიფიანი, ავალიშვილი და სხ. მოწვეულია იონა მეუნარგია ილიას შესახებ რეფერატის წასაკითხათ.

◆ აღდგომობრივ ციხეში ფილტვების ავთამყოფობით გარდაიცვალა ს. დიშის მცხოვრები პოლ. ჟღენტი.

◆ ქუთაისისა და ბაღდადს შუა გაყვანილ გზაზე ქურდ-ბაცაკობამ ძლიერ იმატა. ამ თვეში სამჯერ მოხდა დაცემა. ამას წინათ სოფლებებს თავს დაესხნენ დანებით შეიარაღებული პირები. 11 ოქტომბერს გაძარცვეს ჩაღვადრები, წაართვეს რაც რამ ებადათ, ცხრა ოქტომბერს თავს დაესხნენ დელეჟანს. ამის გამო დაატუსაღეს ნ. ჩხეიძე და ბ. ჯანელიძე. გამოძიება სწარმოებს.

◆ ქართულ გიმნაზიის მოსწავლენი განსაკუთრებულათ აპირებენ აკაკის იუბილეს შეხვედრას, რისთვისაც თადარიგს აქედანვე შეუდგენ.

დედა.

როგორც აღმზრდელი.

(წერილები მუშა ხალხის დედებისადმი).

თარგმანი ბერმანულიდან ს. კანდ—ისა.*)

12.

შენ უნდა იქონიო მოთმინება!

შენი ბავშვი ურჩი და ცელქია. ასჯერ მაინც დაუშალე მას უხეირო ეშმაკობა, ის მაინც თავისას არ იშლის. მან არ უნდა იქცეოდეს წყალში; რამდენჯერ უთხარი ეს შენ ბატარა ქალიშვილს, ეს არის სულ ნახევარ საათის წინათ გაუმეორე, მაგრამ, ხედავ, აგერ მინდორში წვიმისაგან დამდგარ გუბეში კიდევ ჩამჯდარა და მხიარულათ ქუუპალობს. წყალი ესხმება მალა; წინდები და ტანისამოსი სულ სველი აქვს, შენ კი გამწარებული უყურებ ამას. ბრაზი მოგდის და სრულებით ვერ ამჩნევ, როგორ მხიარულათ ბრწყინავენ ბავშვის თვალები. შენ ხედავ მხოლოდ სოველ ჩულქებს და ფეხსაცმელს, ეშმაკ და ურჩ ბავშვს. ბრაზი და სიმწარე გძლევს. გამოადიხარ მოთმინებიდან, სასტიკათ სჯი და უყვირი ბავშვს: „რამდენჯერ აღგიკრძალე მე შენ მაგ, შე საძაგელო შენა, მე შენ ველარ გაგიძლევ. აბა, რა უნდა გამოვიდეს შენგან!“

დამშვიდდი, აღლეგებულო დედა! შენი ბავშვი არც ერთ სხვა ბავშვზე უარესი არ არის. რასაკვირველია, მას არ უწყევია თავში კანონთა კრებული, მით უმეტეს ჯან-მრთელობის კანონები. საბედნიეროთ, არა! ეს იქნებოდა ცუდი ბავშვისათვის, ეს იქნებოდა ყოველად უაზრო ბავშვს რომ მუდამ, ყოველ ნაბიჯზე, ყოველ ფეხის გადადგმაზე ახსოვდეს ის ასი და ათასი საყვედური და გაწყრომა, რასაც მამა ან დედა მთელი წლის განმავლობაში ხან სიმშვიდეში, უფრო ხშირათ სიბრაზეში აძლევს ბავშვს. ჰკითხე, დედა, ყოველთვის შენ თავს წინაწინ დაფიქრებულათ, შეგიძლია ასე თუ ისე მოიქცე თუ არა. რა უნდა ექნა აღმზრდელს, რომელსაც ყოველთვის სურდა შენ გაეფრთხილებინე: ასე შენ არ უნდა მოიქცე, რა ხშირათ გეუბნები შენ ამას, ეს არის სიმრუდე და შეცდომა!

განა ყურადღება არ უნდა მიაქციო და მიატოვო ბავშვი წყალში საშხაპუნოთ? რასაკვირველია, არა! ის მაშინვე უნდა ამოიყვანო. თანაც საყვედური უნდა უთხრა მოკლე და გადაჭრილ სიტყვებით, ხოლო არ აღშფოდე. შენ არ უნდა დაარღვიო შენი ბავშვის შენდამი რწმენა გულმოსულ სამღურავით და აღშფოთებულ გაკვირვებით. ბავშვმა უნდა იგრძნოს თუ რითი აყენებს მშობლებს უსიამოვნებას—ეს შეუძლია მას. ბავშვი უნდა შეეფრთხილოს დაჯერებას. ის უნდა ერიდებოდეს სიმრუდეს, სიგლახეს, უზღედობას, საფრთხეს—ამას უნდა შეაჩვიო ბავშვი. მაგრამ გულ-მოსულობით, სიბრაზით, ბრაზისაგან წამოსროლილ სიტყვებით და სასტიკ ბრძანება-აკრძალვით კი არ შეგიძლია მიაღწიო ამას. პირიქით,

დამშვიდებული, წყნარ დარიგებით და თანდათანობრივ შეჩვევით უფრო მეტი შეგიძლია შენ, ვინც წარამარა მწარე გაკიცხვით, აღშფოთებულ კრულვით და გინებით. დედამ უნდა იქონიოს მოთმინება. მოუთმენელ წეწვა-გლეჯით შენ ვერ მიიყვან ვარდის კვირტს აყვავებადის, პირიქით, დააქცნობ მას. თუ შენი ბავშვიც, ადამიანის ნაზი კვირტი, გინდა ღამაზათ გაიფურჩქნოს, ნუ აჯავრებ და ნუ გლეჯ მას, არამედ იფარჯიშე მოთმინებით.

რედაქტორ-გამომცემელი იოსებ ბარამაშვილი.

გ ა ნ ც ხ ა ლ ე ბ ა ნ ი .

რედაქციის საგან:

პ ი ნ ც „ჩ ვ ე ნ კ ვ ა ლ ს“

წასული თვეების ნომრებით, ან მხოლოდ პირველი სექტემბრიდან გამოიწერს წლის ბოლომდე, მიიღებს პრემიას პაპულიარულ სამეცნიერო სტატიებისა და მოთხრობათა

პრემიულს

რომელიც დაახლოებით შეიცავს 200 გვერდს.

ჩ ვ ე ნ ი კ ვ ა ლ ი

წასული ნომრებით წლის ბოლომდე ღირს — 3 მან. სექტემბრიდან — 2 „

ხელის მოწერა მიიღება თბილისში—რ. დაქციაში; ქუთაისში—კანტარა „იმერეთში“. ქუთათურ ხელის მომწერთ გახუთი პრემიით დაურიგდება კანტარა „იმერეთში“

Тифлисъ. Редакция „Чвени Квали“. Ванская ул. № 12. Рахиль Каландадзе.

1908 წ. ენკენისთვის 1-დან ქუთაისში

ბ. ლ. მიქელაშვილს ასულმა

მთავრობის ნებართვით გახსნა მე-3 ხარისხის

ქალთა სკოლა

პროფესიონალურ განყოფილებით

ასწავლიან: 1) სრულს კურსს ერთ-კლასიან სამინისტრო სკოლისას.

2) სრულს კურსს ქრა-კერვისას, სხვა და სხვა დარგის ხელთ-საქნარსა და შლიაპის ხელობას.

სწავლის ქირა წელიწადში 36 მანეთი.

თხოვნები მიიღება სასწავლებელში. ტფილისის ქუჩა, სახლი ნესმაშინის (ადრე სანიკიძის).